

# *LIPOTSO LE LIKARABO*

## *BAHEBERU KAROLO II*

 Ke batla ho leboha e mong le e mong oa lōna ea thotseng molaetsa ho “rapella mohatsa ka.” E sa le a kula haholo, haholo. Re sa tsebe keng, re sa tsebe se hlaileng, ke lehlatso le leholo feela ‘me a batla a ilibane, le feberu e batlang e etsa lekholo le hlano, a tlameha ho phutheloa ka likobo tsa leqhoa. Ka hona . . . empa joale o itōketse joale. Lifeberu tsohle li nyametse, ‘me o lōkile. Ka baka leo o tserema haholo, o batla a lihile dipondo tse leshome, ke a kholoa. Ha a eso . . . Bosiu bona o jele khetlo la pela ho tloha Sontaha. ‘Me e sa le a kula haholo, eaba re tšepa Morena sebakeng sa hae, eaba O a mo tšelisa. Joale re batla ho le bolella ho tsoelapele ho rapela a tle a khutleloe ke matla.

<sup>304</sup> ‘Me joale, mafelo a veke ena e tlang, ha Morena a ratile, ke tlameha ho ea Miami. Motsoalle oa ka oa khale, Moena Bosworth, o ea Lapeng, ‘me o batla a le lekholo la lilemo joale. ‘Me o ntetselitse, a re, “Moena Branham, tloo mpone hang, ke batla ho u bolella taba pele ke ikela.” ‘Me o . . . Be, ke a kholoa o batla ho nthapella, le ho mpeha matsoho feela pele a ikela, le a tseba.

<sup>305</sup> ‘Me ke—ke a tšepa nka qetela matsatsi a ka ka seriti se kang sa F. F. Bosworth. Har’ā banna bohole bao ke ba tsebang lefatšeng, monna e mong le e mong eo ke kōpaneng le eéna lefatšeng, ha ke eso kōpane le monna eo ke lakalitseng ho tšoana le eéna, joaloka F. F. Bosworth; joaloka—joaloka moreri, seo ke se bolelang. Ha ke eso utloe motho le a mong, lefatše ka bophara, nqa efe, a hlahisa polelo e le ‘ngoe feela ka F.F. Bosworth sohle e ne e le feela “Mokreste,” le sohle ebile “moena oa sebele.”

<sup>306</sup> “Likarohano li re siela mehlala ea maoto lehlabatheng la nako.” Ke moena ea babatsehang, ‘me joale o hlile o tsofetse, o atametse lekholo. Ka hona o—o ea Lapeng feela, ke phetho, ‘me o mpoleletse. O tsebile hobane o a tsamaea, ‘me o ne a shebeletse feela. O boletse nako e monate ka ho fetisa ea bophelo ba hae e le hantle hona joale a sa shebeletse, empa o boletse a tsebile hobane o a ikela.

<sup>307</sup> Ka re, “Ke tlameha ho ea Michigan vekeng ena, Moena Bosworth.”

<sup>308</sup> ‘Me a re, “Be, u se ke oa lieha, Moena Branham, nke ke ka tiisetsha halelele. Ke eketsa ho fokola linako tsohle.”

<sup>309</sup> Ka hona ebile motsoalle e moholo ho ‘na, hore nka se theohe. Joale, haeba ke tlameha ho fofela teng, ke tla—ke tla fofa ke khutlele teng mohlomong bonnyane bosiu ba Sontaha; haeba ho se joalo, be, ke tla tlameha ho khanna, ‘me ho ka nkuka nakoana.

<sup>310</sup> Le ho rapella Moena Bosworth. Ho rapela feela hore Molimo . . . etlereha O nka mopatriareka oa khale, O tle o romele koloi ea mollo ho mo thonaka, le a bona. Ke a mo rata, o bile joaloka ntate ho 'na.

<sup>311</sup> Monna e mong oa leqheku . . . eéna le Moena Seward. Ke—ke batla ke le leeme nqa metsofe, ke—ke a ba rata. 'Me Moena Seward oa khale, o ne a robale joalo feela, le eéna. Ehlide, Moena Seward o ne a sa tsofala haholo, ha ke hopole joalo, hakaalo ka Moena Bosworth.

<sup>312</sup> Le ho rapella Moena Bosworth. Ntho eohle hase lipalesa tikolohong, empa ke—ke . . . O hloka lithapelo tsa lōna, e seng sebakeng sa letho haese feela sa hae . . . Molimo o mo lumelle ho ikela ka khotso.

<sup>313</sup> Joale . . . Hape re batla ho hopola, le hona, hosane, ha Morena a ratile, re pata motsoalle e mong ho tsoa kerekeng ena, Moena Sol Coates. O etile koano makhetlo a 'maloa, o sebelitse lilemo posong. 'Me o shoetse Veterans Hospital bosiu bo bong. 'Na le Moena Cox ra tloha ho ea 'mona, 'me a ena le . . . a le tetebetse haholo. 'Me joale o iketse, Mokreste. 'Me re tla mo patela Coots' Funeral Home hosane thapama ka hora ea pele, 'na le Moena Neville. Libini tse tharō tsa ba ha Neville li tla bina; 'me re tla arola litšebeletso, 'na le Moena Neville. Ke hore, ha ke a tseba letho ha re ne re hlophisa feela, ka lebaka la Meda. 'Me ka hona, hape, lepato la hae le tla tšoaroa hosane thapama ka hora ea pele, mane Coots' Funeral Home.

<sup>314</sup> 'Me hape, ka hora ea bobeli, Labohlano, Mongh. Wheeler. Re ne re 'mitsa Pod Wheeler; ke e, ke hlile ke lebala ruri la hae . . . 'Me, le a tseba, ke—ke e bone pampiring feela 'me ha ke a tseba ke mang, hofihlela ke fumane. Ebile moahisane oa rōna lilemo, 'me—'me a ikela feela. O ne a eme hantle ka pel'a kerekene mona feela, bosiu bo bong, 'me ke leka ho mo tlisa kerekeng. Bosiu bo bong, liveke tse ka bang tharō tse fetileng, ho ema hantle mono, ke ntse ke leka ho mo qophella ho kena kerekeng. Hobane, ha ke kholoe a ne a tsamaea kerekene kapa a ne a tšoore maipolelo a mofuta tsebong ea ka, koana moshanyana oa hae ke moreri oa Baptise. Empa a sa tšoara maipolelo ho latela tsebo ea ka, 'me joale o tlohile ho ea kōpana le Molimo. E tla ba Labohlano thapama ka hora ea bobeli Coots' Funeral Home. 'Me hape, Moena Neville o tla bina le bona, lepatong leo.

<sup>315</sup> 'Me ka hona, mang oa lōna ea batlang ho etela litšebeletso, ke hosane ka hora ea bobeli, kapa, hosane ka hora ea 'ngoe. Ke a khloea e lōkile. Ha se eona, moena? Le ka ea bobeli, le leng ka ea pele. Na ho joalo? Le ea bobeli, mane Coots' Funeral Home.

<sup>316</sup> 'Me joale, Sontaha hoseng . . . khaso e tla ba Moqebelo. 'Me ekaba Moena Neville o tla le tsebisa, lekhatheng leo, eng feela hantle . . . haeba re ka tšoara tšebeletso ea pholiso Sontaha bosiu, kapa haeba re tla be re khutlile ha nka fofela tlase koana—koana

Florida ho bona Moena Bosworth. Ha ke tsebe feela kamoo ke tla arohana le eéna, ke motsoalle oa khale oa sebele feela. 'Me ekaba khetlo la ho qetela re kōpana, haeba, ha Morena a lumela, lefatšeng lena. 'Me o... Ha ke tsebe haeba ke arohana le eéna hona joale kapa che; 'me ha ke batle ho arohana le eéna, empa, le tseba kamoo ho leng kateng, u tlameha ho etsa lintho tse ling.

<sup>317</sup> Joale ke batla ho hlahisa polelo e le 'ngoe bongata bo eso lule, le batho bao e leng metsoalle ea ka.

<sup>318</sup> Ke thabetse ho bona Khaitseli Smith mono. Ke khetlo la pele ke 'mona nakong e telele. U phetse joang Khaitseli Smith? Selemo, khele, ha ke ne ke u bona khetlo la ho qetela... [Khaitseli Smith o a bua—Mohl.] Mane Benton Harbor, ke tsepile ho nyolohela koo ka mohla. Ke hantle. Ke a kholoa ke qetetse ho u bona, tšebeletsong ea lepato Louisville. 'Me ke hopola Khaitseli Smith hantle haholo. Kamoo re... Ke ne ke tloaetse ho mo thota ka teraka re ea kerekeng. Tiri ea khale e manne kamorao le limotosekereme li pheuleha holimō le tlase, 'me ho bata; 'me 'na, leoto le leng le hlahetse kantle. Oh, banna. Metsi a mangata a phalletse le noka ho tloha mohlang oo, Khaitseli Smith. E, monghali. Be, re leboha Morena ka mehopolo e metle eo, re sa ntse re Mo rata.

<sup>319</sup> Ntho e 'ngoe, motho a ka ipotsa, bosiu bo bong... Ha ke qoqa le Moena Fleeman kantle mona seterateng. 'Me motho o kile a re, "Hang ha tšebeletso e tsoa, hore'ng Moena Branham a tloseletsa a ikela?"

<sup>320</sup> Lebaka ke lena, mohatsa ka o setse a le mong. Le a bona? 'Me ha nka qoqa, ke tla bua halofo ea bosiu, 'me ke eo, o ituletse a le mong nako e ngata. Lebaka leo ke potlakang ke tsoa, ho khutlela ho eéna, le a bona, nakong ea bosiu; hoba ke a qoqa, ke qoqa halelele. Ke qoqa le enoa halofo ea hora. 'Me ha ke khone ho feta feela ke re, "U phetse joang bosiu boo? U phetse joang? U phetse joang?" Ha ke etse joalo. Ke a ema 'me ke a qoqa; 'me motho o qala a qoqa ntho e 'ngoe, ke qete hora mono feela. Le a bona? 'Me ke lona lebaka, o a lula 'me o a leta le joalo-joalo. 'Me ke lona lebaka. Ha ke a batla motho a hopole ke sa batla ho kōpana le netsoalle ea ka le ho ba tsukutla ka matsoho, le ho hhalosa botsoalle ba rōna le joalo, litaba li ne li eme joalo feela.

<sup>321</sup> Ka hona, joale, e mong le e mong a rapelle bakuli le ba mahlomoleng.

<sup>322</sup> 'Me Mof. Harvey o mathateng ohle a mofuta, o ntse a hlaphoheloa. E, monghali. 'Me ha ke bone... Ke... Joale ho ka ba teng, kamoo ke tsebang, motho e mong, ngaka mona. 'Me haeba ke fositse kalaneng ena, Molimo a ntšoarele. Empa ke lumela Molimo o tla jarisa lingata tseo boikarabelo ka seo ba se entseng ho mosali eo. Ke—ke lumela oporeishene, ke lumela meriana. Ruri, ke a e lumela. Ke lumela Molimo a ba rometse mona ho re thusa, joalokaha O rometse limacheniki tsa makoloi

le joalo. Empa mosali e monyenyan eo, ngaka e ne e mo robalitse, le ho re, "O ne a tletse mofetše hakaale, ho ke ke ha etsoa letho." 'Mé oa sehlopha sa bana.

<sup>323</sup> Ka theohela ho eéna, le ho leka ho mo hlalosetsa kamoo ka thapelo... 'Me—'me ke mosetsana feela, oa lilemo li ka ba mashome a mabeli le metso e mehlano. Le kamoo Molimo a folisitseng lesea la hae, le bitsoa "lesea la mohlolo" mane kokelong ea bana joale, sa meningitisi. Homme e le maemo a nyarosang haholo a—a mothakanyana eo, eaba Morena o le phekola hang. Tsona, lingaka, li sa utloisise. Eaba ke theohela ho Mof. Harvey, 'me ka re, "Joale, Mof. Harvey, lingaka li u tetse?"

<sup>324</sup> "E, monghali. Ke . . ."

<sup>325</sup> 'Me monna oa hae o itse, "E, ha ho letho le ka etsoang, o tletse mofetše feela ka botlalo."

<sup>326</sup> Ka re, "Be, joale seo re batlang ho se etsa, ke ho lumela Molimo, hore Molimo o tle o—o tle o folise...ho u folisa." 'Me ka re, "Kamoo e etsahalang, mofetše o ka tšoha o sa tlohe hang; empa ha re rapela, bophelo ba mofetše bo a tloha. U ka kula nakoana le hona, 'me—'me" ka re "u ka hlaphoheloa hang." 'Me ka re, "U ntoo kula ho feta kamora matsatsi a 'maloa." Empa ka re, "U tlameha ho emisa tumelo ea hao khahlano le mofetše." Ka re, "Ha mofetše o phela, u a shoa. Ha mofetše o eshoa, u a phela." 'Me ka re, "Joale re tla rapela."

<sup>327</sup> 'Me ra rapela, 'me ho latela lipontšo tsohle tseo ke li boneng, Molimo oa ama 'mele oa mosali eo. 'Me a hlaphoheloa hang, a tloha ho ea bona 'mé oa ka, a chakela tikolohong, (athe o ne a le amemong a setlang libete) a sa utloe mahlaba a letho. 'Me hoba ho fete matsatsi a mararō a boela a kula.

<sup>328</sup> 'Me ka utloa hobane motse o itse ba "tla lefa molato oa ngaka, ha lingaka li ka oporeita."

<sup>329</sup> 'Me joale haeba ke fositse, Molimo a ntšoarele. Empa eaba ba nka 'mé e mocha eo, ba mo fetola "kolobe moru." Ba mo beha kantle mono, ba ntša le mala a hae mpeng ea hae, le sohle. Ba ntša tsohle ho qala ho litho tsa moroto le kamoo mala a sebetsang, ba li toboketsa maphakong. 'Me a lula lihora tse robong le ho hong betheng ea oporeishene. Mooki o itse, "E ne e tšoana le selagapale, ba lahletse likahare tsa hae li qhalane tulong e 'ngoe ho ea ho e 'ngoe, 'me ho aliloe lipopelo tsa polasetiki le lichupu tsa polasetiki." Ke puo pha, empa ke 'nete. Le mala a polasetiki le intho tse kang tseo, le ho tlohela mosali eo a robetse maemong ao, 'mé e monyenyan. Ke rialo, ho latéla monahano oa ka, lingaka tseo li molato oa polao.

<sup>330</sup> O ile a ba bolella, a re, "Moena Branham o nthapeletse." Le ho re, "Re tla lumela hore mofetše oa rōna . . . hore mofetše o shoele."

<sup>331</sup> Ho re, "Ke u tšoaretse litaba, 'Mofetše oa hao o a phela.'"

<sup>332</sup> O ne a ka bolela joang? O ne o le kahare, ha ho ekeserei e ka e bolelang. Mofetše ke e . . . U ka sitoa ho bolela mofetše ka ekeserei, ke nama boona, u ka sitoa ho o bona. Ho ka etsoa ntho e le 'ngoe feela, ke ho o khabella kahara mosali eo le ho pongoa likotoana. Ke phetho. Joale hola e ne e le 'mé e monyenyané, ke ne ke tla mo laela ho tšetleha tumelo ea hae ho Molimo ho ena le ho mo fetola motho "kolobe moru." Joale haeba ke—haeba ke fositse, haeba ke—haeba ke tšoere morero o phoso, ke batla Molimo a ntšoarele, le a bona. Hoba ha ke batle le lumele hore ha ke lumele dioporeishene le lintho kapa ha ke lumele lingaka le lintho. Hoo ho itōketse. Empa ke nahana le tlameha ho tseba seo le se etsang pele le khabela motho, e seng ho ba sebelisa joaloka teko ka tsela eo. Ke hantle. 'Me joale, ehlile, a ke ke a phela. Ke phetho. Ha a ka phela, ruri e tla ba o mong oa mehlolo e meholo e kileng ea hlaha. Mosali o bone mala a hae kantle, le liphieo tsa tlameha ho sebeletsa lephakong le leng, o ne a ilibane *tjena*, ho ilibana . . . Khele, e ne e se letho . . . mothoana oa batho a se a iketse. E ka ba 'mé oa mashome a mabeli le metso e 'meli kapa mashome a mabeli le metso e mehlano ea lilemo a tlameha ho holisa bana ba babeli kapa ba bararō. Ntho e haulang ho fetisa eo nkileng ka e utloa bophelong ba ka. Ka re, "Ho ea ka kelello ea ka, ngaka e molato oa . . ." Haeba a nkile mosali eo bakeng sa teko feela kahobane motse o tla e lefela, e tla ba e phoso, ha e a tlameha ho lumelloa.

<sup>333</sup> [Motho o a botsa haeba Molimo o ka phekola mosali eo—Mohl.] Be, ke a u bolella, moena, ha se taba e ka sitang. 'Me ha se—ha se . . . E—e ka etsoa, ebile e ka khoneha. Hoba ke tsebile monna ea neng a khaohile sephaka, koana California (bohle le ka e sala morao pampiring), a rapeletsoe, 'me sephaka *sena* se khaohile ho fihlela holimō *mona*, sa ba sa mela hofihlela menoana e metse ho sona joale; setsoeng, leqaqailaneng la letsoho, letsohong, 'me likarolo tsa litsoe tsa matsoho li boetse menoaneng, le a bona. E kahar'a, ke a kholoa, *Herald of Faith* ea khoeli e 'ngoe le e 'ngoe. Leha a otlolotse matsoho a hae ka tsela *tjena*; ho a bonahala moo sephaka se ne se khaohile, moo se metseng teng. Kamoo e ileng ea phatlalatsoa khoeli ka 'ngoe, nako e ka etsang selemo.

<sup>334</sup> [Monna o boela a bua ho tsoa phuthehong—Mohl.] Ehlile, ke hantle. Ke a lumela . . . Ke—ke—ke ntho ea seoelo, le a bona, ntho ea seoelo ruri. Ke e utloetse hang ka nako. Joale, ka Moena Bosworth, o rapeletse mosali bosiu bo bong. 'Me ka fumana e mong kōpanong ea ka. Empa oa Moena Bosworth ebile ka ho panya ha leihlo; ea ka e nkile nakoana ho itšebetsa joalo.

<sup>335</sup> O ile a rapella mosali . . . Joale, ke balile bopaki ba mosali eo. Oa mofetše, a se na nko; e jele nko ea hae. 'Me hoseng ho hlahlamang mosali a metse nko. Joale, ke tseba sena . . . Joale, eo ke oa Moena Bosworth, bukeng ea hae e reiloeng *Kreste Mofolisi*, ke a lumela, kapa, *Motlisa-Khotso*, e 'ngoe. Joale, e

hlaha bopaking ba mosali, ka lebitso le aterese ea hae. 'Me o teetsoe hare ke baahisane le lingaka le sohle ho e kholisa, hore e hlahile.

<sup>336</sup> Joale, mane Little Rock, Arkansas, bosiu bo bong phaposing, ke ne ke rapetse teng...ha se Little Rock, empa Jonesboro. Moo ke rapetseng...Ka re, "Ke tla lula hofihlela ke rapeletse motho oa ho qetela." Ka hlola matsatsi a robeli le masiu a robeli kalaneng, le a bona. 'Me eaba... 'me ka phaposing ha nyoloha mosali, a phahamisitse sakatku ka tsela *ena*, 'me ka hopola hobane o ntse a lla. 'Me ka re...Oh, ke a kholoa ekaba hora ea bobeli kapa ea borarō mesong, ka re, "Se lle, khaitseli, Molimo ke Mofolisi."

<sup>337</sup> A re, "Ke ntse ke sa lle, Moena Branham." A se tlosa; a se na nko, le a bona. Lingaka li itse...Mofetše o se o jele ho fihla tlase koana lesapong la hae le lesoue ka ho...ba ntse ba bontša. 'Me ka mo rapella, le ho kōpa Morena ho mo folisa.

<sup>338</sup> 'Me liveke tse 'ne kapa tse hlano hamorao, ha ke le Texarkana. 'Me mono ho lutse khabane ea monna a apere hantle, a re, "Na nka hlahisa lentsoe, Moena Branham?"

<sup>339</sup> Hang ha a fihla kalaneng, ashara e mong a leka ho mo khutsisa. Ka re, "Be, ha re boneng."

<sup>340</sup> A re, "Na u elelloa leleiti lena?"

<sup>341</sup> Ka re, "Che, ha ke khone."

<sup>342</sup> A re, "Ha u ka sheba setšoantšo sena u ka e hopola." 'Me e ne e le mophatloli mane—mane Texarkana, eo e le 'mé oa hae a metse nko e ncha-ncha, e bopehile hantle feela joaloka e 'ngoe.

<sup>343</sup> Joale hoo ho supa hobane Molimo... Ke e bone e etsoa. Joale, Molimo o khonne ho e etsetsa Mof. Harvey e monyenyan seo. 'Me ke Mo rapela ho e etsa, hobane mothoana oa batho o batla ho phela.

<sup>344</sup> Moena Tony, na u tšoere lethoana? [Moena Tony o tlaleha pholiso—Mohl.] Ke hantle. Amen. Amen. E bo, ke bottle, le hona. E, O tla e etsa ruri, Ke Mophekoli.

<sup>345</sup> [Monna e mong o a tšoaela—Mohl.] E. E. E, moena. Amen. Ehlide. Yaa. Ke hlile ke tla... 'Me ke tsepile Molimo ho u buselletsa eona, mora, u ka e khutlisa 'me oa 'montša. Ke hantle haholo feela. Ke bakeng sa bopaki nqa khanya ea Molimo, ho rapela Molimo ho e phethisa. Oh, O—O... Haeba E le Molimo o Matlaohle, O ka etsa lintho tsohle. Haeba A sa khone ho e etsa, lintho tsohle, Oo ha se Molimo o Matlaohle.

<sup>346</sup> Re entsoe ke ntho ho ba seo re leng sona, kamoo re leng kateng, ho seng joalo re ka be re metse e—e hlooho e kang ea nonyana, kapa ntho e kang eo; hola e ne e se Ramonahano kamorao ho rōna ho bopella e mong le e mong oa rōna tšobotsi, ho etsa sefate sa eike, sefate sa papoliri, sefate sa palema, le—le ho li khetholla lipakeng tsa tsona seo—seo li leng sona. Ho re

etsa re se na . . . ba bang ba le mohoete, ba bang ba le masiba, le ba bang ka matlalo, hore u . . . Le a bona, ke—ke Ramonahano kamorao ho eona, se—se laolang taba eo. Hobane O kakatlela lintho tsohle ka liatla tsa Oona. 'Me ke a tseba A ka etsa lintho tsohle. 'Me re tla e rapella, re tla rapela.

<sup>347</sup> [Monna e mong o bua letšoeleng—Mohl.] Ka népo. Re tšoere . . .

<sup>348</sup> [Khaitseli Snyder o re, "Moena Billy, ntšoarele."—Mohl.] E, mofumahali, hoo ho itōketse, tsoelapele. [Khaitseli Snyder o itlaleha a "folile" ha Moena Branham a ne a mo rapella Sontaha se seng.] Amen. Le a tseba, ke lekile ho nahana, Khaitseli Snyder, khetlo le leng ke sa eme har'a tlolo eo, ka nahana . . . Ke ile ka bolella Moena Cox, ka re, "Ha ke sa tla leka liköpano tseo tsa litemoho tsa moea tlase tabernakeleng." Oh, ha le tsebe kamoo liabolosi a lekang ho loma kutu ea ka, khaitseli. Kamoo—kamoo a e sebetsang kateng! Le a tseba, ho mpolella ka litemoho tsena tsa moea.

<sup>349</sup> 'Me mona, ke tsoatsoile ka fumana Khaitseli Wood a lutse mona . . . ha ke eso bone batho ba habo. Mehengl eo ho ne ho folisoe sehlopha sa bona, 'me e mong le e mong . . . Khele, le a tseba, ho folisitsoe pheresente e khōlō ea batho bao. 'Me kamorao ho . . . Ntho e mohloljo joale; khaitseli ea hae, ke jele sophoro le ééna bosiu bo bong, liveke li ka ba peli pele ho moo, . . . Oh, e le tlase koana lithabeng tsa Kentucky, 'me ke—ke tsebile lentsoe la hae le tšoana le la Khaitseli Wood, 'me ho sa khanya hakaalo ka phaposing. 'Me ke sa ka ka mo tsotella le hona, ka 'na, ka qoqa le monna oa hae haholo, a hlaphisa sophoro. Eaba re a tsoa re lula fatše re a ja; le ho boela re khutlela kahare, ka qoqa le monna oa hae, le ho ema le ho itsoela. 'Me Molimo e leng Moahloli oa ka ea inotši o a tseba (ka ho ema pel'a sefala sena) ha ke a lemoha mosali eo.

<sup>350</sup> 'Me kamorao ho tšebeletso ea pholiso, ka memela baetsalibe aletareng ho baka. 'Me esale a batlile a khohlahetse khahlano le Eona; eaba o baka a nehela Kreste bophelo ba hae, ho phahamisa letsoho la hae ho thoe o tla nehela Kreste bophelo ba hae, a ntse a lla. Hoba tlolo eohle e tlohe; ke ntse ke memela aletare ea ka, le joalo-joalo. Ka tsoa tsoa ke retolohile, 'me mona ho hlahile pono, 'me ka bona moena oa hae; e ne e le khaitseli, enoa e ne e le khaitseli ea tona, ba le 'moho.

<sup>351</sup> 'Me ka hopola e le mohatsa Charlie, kaha ke tsebile ha ke ne ke lutse tafoleng letsatsi le leng, tlase mono e—e tlung ea Charlie . . . Mosajana oa hae, mothoana oa batho, Morena a mpontša bothata ba hae. 'Me ho tloha horenge, Morena a ama 'mele oa hae, ho lutsoe mono tafoleng ea hae joale. Tony, re ne re le kae, tlase mono, re il'o tsoma mosamane oa lifate. 'Me Morena a ama 'mele oa hae le ho tlosa ntho ena eo a tlamehang ho e khoesa bophelo bohole . . . bophelo ba hae, ho lahleloa hole le

eéna; ka ho itulela mono feela. 'Me mosajana eo ka tloaelo o jella ntlheng ea tafole koana, empa kajeno, a pota hantle, a sutuletsa setulo sa hae kahare, a jela hantle pel'a ka. A sa tseba seo a se entseng. Mohatsa'e a lutse ka mokhoa *ona*, le Moena Banks a lutse mono, re ntse re qoqa. Eaba o a potoloha, a nka setulo sa hae, ho se beha pel'a ka hantle. 'Me e le ka morero, Morena a hlahisa pono hantle mono. 'Me ka bitsa monna oa hae, hobane e ne e le bothata ba maleiti, ka qala ho 'molella se etsahetseng. A re, "Moena Branham, e etsahetse joalo feela, hantle ka tšoanelo." 'Me a 'molella mono, 'me Morena a mo folisa. Ke hantle.

<sup>352</sup> 'Me hoba tšebeletso e fete bosiu bo bong, 'me khaitseli e mong enoa, ka bona Charles e mocha enoa le mosali enoa 'moho. Ka nahana, "E tšoanetse e be e le mohatsa'e; empa mohatsae o hlooho e tšebla, athe enoa ke mosali ea hlooho e ntšo." 'Me ka tšoha ke bone pono e hlaha mona k'honeng. A lutse mono a iphumula mahlo 'me Morena a hlahisa pono kamora hoba a... pitso ea aletare... kamorao ho tšebeletso ea thapelo, pholiso ea bakuli, le memo ea aletare e entsoe, 'me Molimo oa mo emela hofihlela a bakile a Mo nehile bophelo ba hae le ho phethoha ho mo folisa. 'Me esale a na le... mathata a hae a mo ruruhisitse lilemo. A theohile hakaale, le ntho eohle, hofihlela maoto a hae a le masoebe le ntho eohle (lichefu) tse fetileng 'meleng oa hae. O ikutloa a ntlafetse ho feta lilemong le ka mohla, le a bona. Le kamoo Morena a etsang hoo hohle ka mohau oa Hae o hlollang! Ha ke nahana e batla e le pale eo; ha se eona, Khaitseli Wood? Le kamoo A e sebetsang! Kamorao... Ho thoeng? [Khaitseli Wood o re, "O lihile diponto tse supileng veke e fetileng."—Mohl.] Diponto tse supileng vekeng. Oh, Ke Molimo! Ha A joalo na?

<sup>353</sup> Joale, ke tla le bolella, lebaka leo ke ileng ka bolella Moena Neville... Ke itse mohlomong o tšoere molaetsa oa bosiu bona. O itse, "Che," ha a na. 'Me mona ke tšoere masalla a lipotso tse 'maloa, ke utloile e le tšoanelo ea ka ho theohela mona le ho arabela lipotso tsena. Hape ke tšoere tse peli kapa tse tharō ke sa tlóng ho li finyella bosiusing bona.

<sup>354</sup> Ke batla ho le bontša tse sa tsoa kena li tsoa ho moreri. Moena Neville feela, kapa, Beeler o sa tsoa ntlisetsa tsona. [Moena Branham o araba lipotso tse latélang tse robeli ho Karolo III, ho qala ka seratsoana 668, e le potso tsa linomoro 67 ho isa ho 74—Mohl.]

### **Majoe ana ho Tšenolo 21:19 le 20 a lekanyang?**

**Hlalosa libata tse 'ne tsa Tšenolo 5... O bolela Tšenolo 6; ha se Tšenolo 5, ke 6, ke a kholoa.**

**'Me baholo ba mashome a mabeli le metso e mene ke bomang?**

**'Mala o sekarelata oa Genese 38 o ne o bolelang?**

**Limpho li tla romelloa mang mabapi le lefu la lipaki tse peli, Tšenolo 11?**

**Bahalaleli ba tla ba kae kamorao ho puso ea lilemo tse sekete?  
'Me ba tla ba le 'mele oa mofuta ofe?**

**Re tla ahlola mangeloi joang?**

**Ke moriri oa eng ka lebaka la mangeloi ho Bakorinthe ba Pele?**

<sup>355</sup> Le bua ka tse ling tse monate, tseo ke tse ling tse monate. Nka tšoha ke sa li finyelle bosing bona, empa ha Morena a ratile, ke tla li leka khetlo le latelang ha re kena ka morero oo.

<sup>356</sup> Ke tšoere tse ling tse monate mona bosius bona; ka hona re tla rapela feela joale le ho kōpa Morena ho re thusa, 'me re kena ho tsona hantle lebaka le latélang, oh, metsotso e mashome a mararō le metso e mehlano, e mashome a mane.

<sup>357</sup> Joale, Ntata rōna ea bokoang oa Lehelimō, re motlotlo ho Uena ka sohle seo U re etseltseng sona. 'Me, oh, mohau oa hao o a makatsa kamoo o re nanabelang tlase. Ke ntse ke nahanne joale, bosiu bo bong, le molekane e monyenyan eo oa ka, oh, a kula hakaale, eaba U fihla temeng. Feberu ea hae ea qala ea pshatleha ho qala ka hora eo, 'me e nyametse ka bottlalo joale. Ke a U leboha. 'Me e...le ho rapela feela hore U be le e mong le e mong oa rōna ea qetseng kōpo bosius bona. 'Me athe re tseba hanyenyane, hofihlela e kena malapeng a rōna, seo e se bolelang, thapelo e nyenyan. Oho Molimo, eng...kamoo-kamoo U fetoha sebele hakakang. Ka hora eo ngaka e tlohang, 'me e re, "Ha ke tsebe, ha ke eso bone ntho e joaloka eona," ebe moo Morena Jesu a kenang temeng.

<sup>358</sup> Oho Molimo, U sebele ruri ho rōna, 'me re thabetse hoo haholo. Re U rapela ho tšoarela litsela tsohle tsa rōna tse bohlasoa, le litsela tsa rōna tse bothoto. 'Me, oh, re hopole feela, Morena, re nama ea motho lefatšeng le lefifi, lefatše la lefifi le sebe le tšenyeho. 'Me re shebile ka lesira, kamoo ho etsahetseng kateng, holim'a sefahleho sa rōna, 'me re bona feela le ho tseba joalokaha motho a khona mona. Empa letsatsi le leng mohla lesira leo le tlosoang, re tla U bona sefahleho le sefahleho le ho tseba joalokaha re tsebjoa. Ke lōna letsatsi leo re le lakatsang leo.

<sup>359</sup> Re a rapela Ntate, joale, U tle u re thuse re sa leka ho abela batho Lentsoe la Molimo, ho latéla likōpo tsa bona. Tlosa maloetse ohle ho rōna. Re a U hloka, Morena. 'Me re U rapela ho re neha eona. Mehauhelo ea Hao e abeloe rōna, hoba re e kōpile ka Lebitso la Jesu. Amen.

<sup>360</sup> Joale, ho araba lipotso tsena, ha ke ea khabane naheng, le a tseba. Empa ke tla araba feela ka bokhoni ba tsebo ea ka.

<sup>361</sup> Eo ke qalileng ka eona bosiu bo bong ke ena, 'me ka tlameha ho khaotsa:

**60. "Ka Moea o le mong re kolobeletsoa bohle 'meleng oa Kreste."** (Bohle le sa hopola ke tšoarane le potso eo. Joale

**ena e fumanoa, ehlile, ho Bakorinthe ba Pele 12)...Ka nako ha re...amohela tsoalo e ncha, ho etsahala sena. Ke eona...Na ebe ena ke Kolobetso ea Moea o Halalelang, kapa ebe kolobetso e 'ngoe e hlahlamang e teng, kapa na ebe hona ke ho tlatsoa?**

<sup>362</sup> Joale, ehlile ke potso eo, 'me re ka qeta nako ea rōna eohle ho eona, le bosiu bona le hosane bosiu le joalo le joalo. E ka akaretsa...e ka—e ka nka 'me ea tlamañanya Bibele eohle 'moho. Lengolo le leng le le leng le tšoanela ho tlamañana hammoho le Lengolo le leng ka Bibeleng.

<sup>363</sup> Empa ho leka ho e khutsufatsa feela, ka ho hlaka hoo ke ho tsebang, che; ha u lumela ho Morena Jesu Kreste, u fuoa tsoalo e ncha. Ha u lumela ho Morena, u amohela mohopolo o mocha, bophelo bo bocha, empa ha se Kolobetso ea Moea o Halalelang. Le a bona? U fumane tsoalo e ncha ha u ne u lumela, u fumane Bophelo Bosafeleng. Ke neo ea Molimo eo u e neiloeng ka mohau oa boithatelo ka baka la ho amohela neo eo Molimo a u nehang eona. "Ea—ea utloang Mantsoe a Ka 'me a lumela ho ea nthomileng, o na le Bophelo Bosafeleng." O na le bophelo ba kamehla; ke eona tsoalo e ncha, u a sokolloa, ho bolelang hore u "phethotsoe."

<sup>364</sup> Empa Kolobetso ea Moea o Halalelang e u kenya 'meleng oa Kreste, u fetoha monka-kabelo lineong tsa tšebetso. Ha e u fetole Mokreste ea fetisang, e u kenya feela 'meleng oa lineo. Le a bona? "Joale, ka Moea o le mong" (Bakorinthe ba Pele 12) "re kolobeletsoa bohle 'meleng o le mong. Joale," Pauluse o rialo, "lineo li fapane, 'me 'meleng ona lineo tsa moea li robong." 'Me 'meleng ona... U tlameha ho kolobetsoa 'meleng ho fuoa e 'ngoe ea lineo. Li tla ka 'mele.

<sup>365</sup> Empa, joale, ho latéla ho rua Bophelo Bosafeleng le ho ba Mokreste, u Mokreste ka nako ha u lumela. Joale, boo ha se boipeho-tumelo, ke ho lumela ka 'nete ho Morena Jesu le ho Mo amohela joaloka Mopholosi oa hao; u tsoaloa bocha hantle hona moo, le ho fumana Bophelo Bosafeleng. Molimo o kena ka ho uena.

<sup>366</sup> Joale shebang, Bophelo Bosafeleng; Jesu o itse, "Ea utloang Mantsoe a Ka 'me a lumela ho Ea Nthomileng, o na le Bophelo Bosafeleng, 'me a ke ke a tla kahlolong empa o tlöhile lefung ho kena Bophelong." U 'mopua e mocha lekhatheng leo. Eaba Pauluse o kōpana le batho ba bang bao, holimō ho Liketso 19. Ba fuoe moreri holimō mono ramolao ea sokolohileng ea reiloeng Apolose. 'Me Apolose e le monna oa senatla Mangolong, a ntse a paka ka Mangolo hobane Jesu e ne e le Kreste. Le a bona?

<sup>367</sup> Joale shebang. Apolose, ka Lentsoe, o ne a kholisa ka Lentsoe. "Tumelo e tla ka kutlo, ho utloa Lentsoe. Ea utloang Lentsoe la Ka, 'me a lumela ho Ea Nthomileng, o na le bophelo ba kamehla." Le a e tšoara? Apolose, ka Lentsoe, o ne a kholisa. 'Me

bana e le Bakreste, e ne e le balateli, barutuo. 'Me Apolose o ne a kholisa ka Lentsoe, hore Jesu e ne e le Kreste. 'Me ba nyakaletse haholo 'me ba amohetse Lentsoe, athe ba tsebile kolobetso ea Johanne feelsa.

<sup>368</sup> 'Me eareha Pauluse a haola linaha tse holimō tsa Efese, o fumane barutuo bana a re, "Na le amohetse Moea o Halalelang ho *tloha* le lumetse?" Le a bona?

<sup>369</sup> Joale, ha u lumela, Jesu o itse, "U na le Bophelo Bosafeleng." Eo ke tsoalo e ncha. Ke tšokoloho ea hao, ho fetoha. Empa kolobetso ea Moea o Halalelang ke matla a Molimo a u kolobeletsang ho ona 'me u fetoha monka-kabelo oa lineo tse robong tsena ho sebetsa ka uena; joaloka, ho rera, baevangeli, baapostola, balisa, baporofeta, . . . 'me lineo tsohle tsa 'mele li kena nthong ena, ha u kolobeletsoa 'meleng ona. 'Me hoo ke . . . ha e u etse Mokreste ea fetisang, ho mpa ho u beha malulong ho beoa moea o sebeletsang ka Kerekeng ea Molimo o phelang. Joale na le a e tšoara? Le a bona?

<sup>370</sup> Joale potso ke ena . . . Tloong re e arabele ka bonngoe ka bonngoe, ke lipotso tse tharō.

**"Ka Moea o le mong re kolobeletsoa bohole 'meleng oa Kreste."**

E népahetse, Bakorinthe ba Pele 12 e tla arabela seo. Ke hantle.

**Lekhatheng leo ha re amohela tsoalo e ncha, na ebe ho etsahala see? Na ke lekhatheng leo?**

<sup>371</sup> Ke seo ba batlang ho se tseba, e . . . "Ka Moea o le mong . . ." Che. Che. "Ka Moea o le mong re kolobeletsoa bohole 'meleng o le mong." Le a bona, ha se mohla tsoalo e ncha e qalang, tsoalo e ncha e qala ha u *lumela* ho Morena Jesu.

<sup>372</sup> Joale le a bona, ha ho le ntho . . . ha ho le ntho e le 'ngoe . . . Joale mamelang. U ka etsa'ng haese ho lumela? U ka etsa'ng ho fetang hoo? U ka etsa'ng ka eona ho fetang ho e lumela feelsa? Mpolelle ntho e 'ngoe eo u ka e etsang. Ha ho letho leo u ka le etsang haese ho E lumela. Joale, haeba ntho e hlaha kantle ho tumelo ea hao, ha se ketso ea hao ka sebele, ke ketso ea Molimo. Ka baka leo . . .

<sup>373</sup> Joale ha re ka re ho uena haeba u . . . Khafetsa ke bone, hangata, batho ba amohelang "pontšo ea mantlha ea ho bua ka maleme" joaloka Moea o Halalelang. 'Me ka linako tse ling ho tsukutla batho, kapa ho ba tobola le ho ba phathatsa, ho thoe, "E bue. E bue. E bue." Le a tseba, ho phetha lentsoe hape le hape, "E bue. E bue. E bue." Le a bona, ke ntho eo u iketsetsang eona. 'Me—"me—"me ha e . . . ha e ke e . . . ha se—ha se letho. U ka thola pherekano ea maleme. U ka thola e—e lintho tse ngata, le litšisimoho. Empa haeba ntho efe e tsoa kantle ho tumelo ea hao

ka sebele, e tlameha ho ba neo ea Khalalelo ea Molimo e suoang uena. Le a bona?

<sup>374</sup> “Me ka Moea o le mong re kolobeletsoa bohle ‘meleng o le mong.” E népahetse, le a bona. Kolobetso ea Moea o Halalelang ke ketso e fapanang le tsoalo e ncha. E ‘ngoe ke tsoalo, e ‘ngoe ke kolobetso. E ‘ngoe e u tlisetsa Bophelo Bosafeleng, e ‘ngoe e u tlisetsa matla. E fana ka matla Bophelong Bosafeleng, le a bona, ho sebetsa. Joale na le e tšoere? Ke botle. Ke hantle.

<sup>375</sup> Joale e ‘ngoe ke ena, e tla bobeling, ka bokhoni boo ke li thotseng bosiusg boo:

**61. Separete sa Jesu se ne se le kae matsatsi a mararō mohla ‘mele oa Hae o leng lebitleng? Separete sa Hae se ne se le kae?**

<sup>376</sup> Joale, separete sa Hae, ha u ka sala Mangolo morao, . . . be, re ka lhalisa libaka tse ngata feela. Empa, ke a ipotsa, ke mang ea tšoereng Bibebe? Moena Stricker, na u tšoere Bibebe? Ke hantle. Moena Neville, u tšoere e ‘ngoe? Mphetlele Lipesalema 16:10. Le mang hape? Khaitseli Wood, u tšoere Bibebe mono? Be, Moena Stricker, (ke hantle, mang oa lōna), le mphumanele Liketso 2:27, Liketso 2:27.

<sup>377</sup> ‘Me joale, taba ea pele, mohla Jesu a na eshoa . . . Ha u shoa, ‘mele oa hao o a shoa. Lentsoe *lefū* le bolela “arohana,” ho arohana le baratuoa ba hao feela. Empa mona O buile sena, ho Santa Johanne, khaolo ea 11, “Ea utloang . . .” E seng . . . Ke kōpa tšoarelo; mono ke ho Santa Johanne 5:24, “Ea utloang Mantsoe a Ka o na le Bophelo Bosafeleng.”

<sup>378</sup> Jesu o boleletse Maretha, e le mohla a mo khahlanyetsang, . . . O itse, “Holane Ua ba teng mona, khaitseli ea ka a ka be a sa shoa. Empa esita le joale, sohle seo U se kōpang Molimo, Molimo o tla U nea sona.”

<sup>379</sup> O itse, “Ke ‘na Tsoho le Bophelo.” Le a bona? “Ea lumelang ho ‘Na, leha a shoele, o tla phela; ‘me ea phelang a lumela ho ‘Na, a ke ke a shoa le ka mohla.”

<sup>380</sup> Joale—joale, e teng karolo ea rōna e sa shoeng. ‘Me joalokaha ke sa tsoa feta letoto la Mangolo, sohle se nang le qalo se na le qetello. Ke lintho tse se nang qalo, tse se nang qetello. Ka baka leo ha re amohela Kreste, Molimo, re fetoha bara le barali ba Molimo, ‘me Bophelo ba rōna ha bo felle joalokaha Bophelo ba Molimo bo sa felle; re ruile Bosafeleng.

<sup>381</sup> Joale, lentsoe *kamehla*, re le phollelitse. Lentsoe *kamehla* ke “sebaka se baliloeng,” *kamehla le* (lehōkanyi) *kamehla*. ‘Me re fumane mona hoba le na—le na le qetello, joaloka matšoenyeho a mang kaofela, le maloetse kaofela, le mahlomola kaofela, le kotlo kaofela, le lihele ka botsona li na le qetello.

<sup>382</sup> Empa Bophelo Bosafeleng ha bo na qetello, hoba ha Bo a ka ba qala. Bo ke ke ba shoa hobane Bo sa ka ba tsoaloa. Ha Bo

a ba ka ba eba le qaleho ea matsatsi, ha Bo na qetello ea nako. Joale, mokhoa o le mong oo re ka phelang ka Bosafeleng, ke ka ho amohela ntho eo ea Bosafeleng. 'Me Molimo o bile teng; pele ho ntho efe feela, e ne e le Molimo. Molimo ha o a ba le qalo kapa qetello.

<sup>383</sup> 'Me Molimo e ne e le Seperate se seholo sena. Re ile ra O tšoantšoa le e—le mebala e supileng ea mookoli o koahelang... Mookoli o ka koahela lefatše holane o sa thulane le lefatše. Ke selikaklikoe sa metsi se iphileng tšobotsi ea kobamo ea lefatše, se o hlahisang. Empa, joale, erekaha Molimo e le Bosafeleng, 'me E ne e le Phetheho: lerato le phethehileng, khotsotsofalo e phethehileng, thabo e phethehileng, khotsotsofalo e phethehileng. Meea e supileng eo kaofela (kamoo re e fihletseng ho Tšenolo), e a tsoa; ea etsa Molimo, phetheho. Ntho e 'ngoe le e 'ngoe kantle ho eo e bile ntho e khopamisitsoeng e tsoa nthong Eo.

<sup>384</sup> Joale mokhoa o le mong ho rōna ho khutlela phethehong feela, ke ho khuttlelana le Hoo (phetheho, e leng Molimo). Ebe moo re khuttlelang phethehong, ke moo re ruileng Bophelo Bosafeleng; bo se nang qetello, kapa bo se nang—bo se nang letho, ke Bophelo Bosafeleng feela kamehla.

<sup>385</sup> Joale o ntse a bua ka soule... separete. Hoba re jara mebele ea rōna holim'a lebitla la bahalaleli ba rōna ba fetisisang, bakeng sa 'mele ona. 'Me 'mele... Tabeng ea pele, ha Molimo, Logos e tsoileng ho Molimo...

<sup>386</sup> Kapa, joalokaha ke haotse ho eona, Katolike Hoo e ho bitsa, "bomora ba Molimo oa Bosafeleng." Athe, joalokaha ke boletse pele, lentsoe leo ha le etse le kelello. Le a bona, ho ke ke ha ba le mora oa Bosafeleng, hoba mora o ne a tlamehe ho ba le qalo. 'Me ka hona Jesu o bile le qalo, Molimo ha o a ba le qalo. Le a bona? Empa Mora e ne e le... e seng bomora ba Bosafeleng, empa Mora ea neng a le ho Ntate qalong e ne e le Logos e tsoileng ho Molimo.

<sup>387</sup> 'Me e ne e le theofani ea Molimo e tsoileng. Sebopoho sa motho se sa kang sa ba le mahlo joalokaha u bona; leihlo le betere. Se se na litsebe joalokaha u utloa, empa kutlo e fetisang hole. Le a bona, E ne e le theofani, seo, mookoli ona kaofela oa theohela kahara e—e theofani. Moshe o E bone E feta lefikeng joalo. O bone likarolo tse kamorao, ho re, "E ne e tšoana le monna."

<sup>388</sup> Abrahama o Mo bone mohla A theohetseng nameng ea motho 'me a ejia namane, a noa lebese, a ja botoro. Abrahama o Mo bone ha A hata a kena feela, a ntoo nyamela hantle feela teng. Re fumane mebele ea rōna e entsoe ka lielemente tse leshome le metso e tšeletseng tsa lefatše, li mpile tsa teana feela. 'Me Molimo oa li kōpanya, le ho kenya Mangeloi a mabeli mebeleng ena; Mangeloi a ileng a ema a qoqa. 'Me Mangeloi e ne e le banna ka mohla... le nakong eo.

<sup>389</sup> Joale lemohang, re a fumana, ebe Melkisedeke e ne e le Mang haese Molimo ka Seqo! E ke ke ea e-ba mang osele, hoba E ne e le Khosi ea Saleme e leng Jerusalema. A se na ntate le 'mé; e ke ke ea e-ba Jesu, hoba O ne a e-na le ntate le 'mé. A se na qaleho ea matsatsi, leha e le qetello ea bophelo; o Mong feela ea ruileng hoo, ke Molimo. E ne e le Molimo o ahileng mona kahara theofani. Le a bona? Lemohang, Khosi ea Saleme.

<sup>390</sup> Joale, Molimo o phetse mongoaheng, ka batho ba Oona. E ne e le Molimo ka ho Davida, o mo lulisitseng thabeng, e le khosi e khesitsoeng, le ho lla. Oona Moea oo o bonahetse ho Jesu Mora oa Davida, E beng e le mokhesuoja Jerusalema le ho lla.

<sup>391</sup> Josefa, ea rekiloeng ka likotoana tsa silifera tse mashome a mararo, a hlouoa ke moena oa hae, a ratoa ke ntatae, a beoa letsohong le letona la Faro, 'me ho se ea ka tleng haese ho kena le ka mohla . . . ho tla ka Josefa, 'me terompeta e ne e letsoa 'me lengole ka leng le khumamela Josefa: papiso e phetheleng ea Kreste. E ne e le Moea oa Kreste o phelang ka banna bao. Le a bona?

<sup>392</sup> Joale, joale mona eitseha Jesu a shoa, e ne e le Molimo o bonahetse nameng. Molimo oa fetoha motho. Melaong ea topollo, mokhoa o le mong motho a beng a ka lopolla letlotlo le lahlehileng la Israele, eka khona e be oa lesika. Eka khona e be oa lesika le haufi. Buka ea Ruthe e hlalosa hantle; 'me eka khona e be oa lesika. Ebile Molimo o tlameha ho fetoha oa lesika la motho, e le hore motho a fetoha lesika la Molimo. Le a bona?

<sup>393</sup> O na le seperete ka ho eéna, motho o joalo ha a tsoaloa, hobane ke seperete sa tlhaho. Ke seperete sa lefatše, ke seperete sa e—sa molimo oa lefatše lena. Ke lehlomela la Adama feela.

<sup>394</sup> Sefate se a ikatisa. Lijalo li a ikatisa. Liphootholo li a ikatisa. Batho ba ikatisa. Ke marathana a tlhaho ea tšimoloho. Le a e tšoara?

<sup>395</sup> Joale, joale motho ha a tsoaloa, o tsoaloa ka seperete sa lefatše lena ka ho eéna. Lebaka leo a tšoanelang ho tsoaloa labobeli. Hoba seperete sena se tsoa kemarisanong ea ntate le 'mé, e leng kemarisano ea bong, 'me ruri se ke ke sa phela kamehla. Ka baka leo o tšoanelha ho tsoaloa labobeli. 'Me pele a ka etsa hoo, Molimo oa na oa tlameha ho theoha ho mo betlela tsela ea ho tsoaloa labobeli; kahobane ka ho eéna o sitoia ho itopolla le ka mohla, o ne a lutse a se na tšepo. A sa . . . kantle ho tšepo, kantle ho Molimo, kantle ho Kreste, a le lefatšeng, a lahlehile a timetse. A—a . . . ho se letho leo a neng a ka le etsa ho ipholosa. Eena . . . sohle . . . Leha ekaba moprista e moholo, leha ekaba bishopo, leha ekaba mopapa, e bang e ne e le eng, o molato joaloka motho ea latelang.

<sup>396</sup> Ka hona, e qositse Ea se nang sekoli, ho e phethisa. 'Me Ea seng molato e le Molimo ka Seqo. 'Me Molimo oa na oa tlameha ho theoha le ho fetoha motho ('me O tlide ka sebopheho

sa Kreste) ho tsetela tsenene ea lefu, ho fothola tsenene ea lefu, ho re lopolla, re tle re... e seng ka mesebetsi ea rōna leha e le ka ho lōka ha rōna (ha re na letho), empa ka mohau oa Oona, ho pholosoa. Re ntoo amohela Bophelo ba Oona 'meleng ona o shoang, 'me joale re bara le barali ba Molimo, 'me re ruile Bophelo Bosafeleng ka ho rōna. Re bara le barali ba Molimo. Ka baka leo, Jesu, erekaha a phela...

<sup>397</sup> 'Me ha ho motho mang, leha a le khopo hakae kapa a lōkile hakae, haeba a tlameha ho... ha a falla lefatšeng lena, ha a shoa. O nqa e 'ngoe esele. Empa o ruile bophelo bo tlang ho timela, kamora ho ahloleloa liketso tsa hae liheleng, o... empa koana bophelo boo bo tlameha ho fela. Sebopeho sa Bophelo Bosafeleng se seng feela.

<sup>398</sup> Joale, re fetile taba eo. Eféla ha motho e le moetsalibe 'me a ntoo ahloloa kamehla... A ke ke a ahloloa kamehla haese ha a ruile Bophelo Bosafeleng. Eféla ha a ruile Bophelo Bosafeleng, o bolokehile. Le a bona? Ka baka leo tšobotsi ea Bophelo Bosafeleng e 'ngoe feela, 'me eona ke *Zoe*, "Bophelo ba Molimo." 'Me a ke ke a timela.

<sup>399</sup> Empa bakhopo ba setšeng sa—sa boemelo (bohlokong) ba kahlolo ea bona (ho ahloloa ka liketso tse entsoeng 'meleng) letsatsing la bofelo. Joale, empa re... Libe tsa batho ba bang li ba etella pele, tsa ba bang li ba sala morao.

<sup>400</sup> Joale ha re ipolela libe tsa rōna, O tšepahetse feela ho re tšoarela, re ke ke ra tlameha ho emela kahlolo ea Molimo. Le a e tšoara? Shebang, Baroma 8:1, "Ha ho le joalo ha ho sa le tsuo joale leha e le 'ngoe ho ba leng ho Kreste Jesu." Ba leng HO Kreste. Ba tlohileng lefung ho kena Bophelong; le a bona, ha re na tsuo 'me re ne re le ka ho Kreste Jesu. "E leng ba sa tsamaeeng ka nama, ba mpang ba tsamaea ka Moea." Le a bona? "Ea utloang Mantsoe a Ka, a lumela ho Ea Nthomileng, o na le Bophelo Bosafeleng."

<sup>401</sup> 'Me haeba ke amohetsoe ka ho Kreste, 'me Kreste a nkile likahlolo tsa ka, 'me ke amohetse boemeli ba Hae ba libe tsa ka, ebe Molimo o ka nkahlola joang? O se o nkahlotse, ha O ne o ahlola Kreste. Ha ho le joalo ke lokolotsoe kahlolong. "Ha ke bona Mali, Ke tla le feta holimō." Le a bona?

<sup>402</sup> Empa, joale, bakhopo ha ba joalo. O kena bohlokong. 'Me re a tseba hoo ke 'nete. Bakhopo ba a phela. O tulong ea bohloko. O tulong moo a sa tsebeng... Baupelli bana le linohe tsena ba khona joalo ho nyolla meea ea batho ba iketseng, ho thalabanya ha mofuta le metlae e litšila le lintho tseo ba li buang, haeba u kile oa li bona. Ke hantle. Hobaneng? Ha ba...

<sup>403</sup> Shebang Mofn Piper enoa, le pele ho ntšoa seratsoana sa ka sa *Mohlolo oa Donny Morton*. Ba bakae ba balileng seratsoana seo? E, bongata ba lōna, ehlide. 'Me e ho *Reader's Digest*. Na le lemohile, pejana ntho eo e tsoa ea Mofn Piper, moupolli

e moholohali eo lefatše le kileng la mo tseba. Pale ea hae e khethetsoe maqephe a leshome le metso e 'meli. 'Me e se e le lilemo tse mashome a mahlano... Ba mo potisitse lefatše lohle, le ka bopaki ba mahlale le ntho e 'ngoe le e 'ngoe, ho re "o bua le bafu a tiile, 'me batho ba nyoloha." Eng? Lebitso la Molimo ha le a ka la bitsoa le hang, ha ho pako, ha ho pholiso ea Khalalelo, ha ho letho la Eona, le a bona.

<sup>404</sup> Taba feelsa, ho builoe ka batho bao, "John, ha u ntsebe na? Ke 'na George ea neng a le tulong e *itseng*, 'me ke entse *hore-le-hore* le *hore-le-hore*. Na u sa hopola re etetse tulo eo 'me ra etsa sena?" Le a bona, ke phetho seo ba se tsebang. Ba felile. Ba tlohile ho... Ha ba—ba salloo ke letho haese kahlolo.

<sup>405</sup> Sefate se oela, moo se sekametseng teng. Kamoo u shoang kateng... Lebaka leo ke fapanang le ho rapella bafu, le a bona, lithapelo tse buellang kapa—kapa köpano le bahalaleli le lintho tse joalo. Ho ke ke ha ba joalo, ho latela Lentsoe la Molimo. Ha ho thuse letho ho rapella motho ba se ba iketse. Ho felile ka bona. Ba a...ba se ba... Ba tsetse moeli lipakeng tsa mohau le kahlolo. Ba ile mohaung, kapa ba ile ba tlohile mohaung. Jesu o itsalo, khaolong ea 16 ea Santa Mattheu, O—O—O e rutile; khaolo ea 16 ea Mareka, ke a kholoa ke eona. Monna oa morui le Lazaro; ha ho ea ka tselang khohlo ena, le ka mohla e ke ke ea tseloa! Ke moo. Le a bona? Ke phetho ke hona.

<sup>406</sup> Joale, empa mohla Kreste a ne a eshoa, sohle sa na sa tlameha ho paka ho thoe E ne e le Kreste. Joale re tšoarana le potso ea hao. Taba ea pele, linaleli li hanne ho chaba, letsatsi la likela, khoeli ea tima ngoeli ea eona, lefatše la betsa majoe a lona, lefung la Hae. 'Me O tlohile a ea bolella lisoule tse teronkong, tse sa kang tsa baka mehleng ea mamello ea matsatsi a Nohe. Eéna, li ne li tlameha ho ela hloko. Shebang seo! 'Me ha moetsalibe a tšoha a le teng mona bosiung bona, e nahane motsotso. Ka letsatsi le leng Evangelii ena eo o e utloang e boleloa hona joale, o tla tlameha ho E paka. U tla khumama ka lengole la hao nqa e'ngoe, ho sa tsotelehe na u mang. Ekaba lilemo tse liketse tse leshome ho tloha kajeno, eka tšoha e sa be hofihlela...hoseng. E ka bang neng, u tla khumama nqa e 'ngoe, 'me u tla utloa eona Evangelii ena e khutla e bolelloa uena hantle.

<sup>407</sup> Kamora hoba lisoule tseo li lule teronkong, tse sa kang tsa baka mohla Henoke le mohla bao bohle ba neng ba rera, le Nohe... le ka lebaka la mamello ea Molimo, joaloka hona joale, ho emetsoe nako eo ho fihla. 'Me Nohe le Henoke le bao bohle ba rerile, 'me batho bao ba tše hile 'me ba ba soma. 'Me ba ne ba lutse tlung ea teronko, 'me Jesu o ile a tloha ho ea bolella lisoule tse teronkong. O ile a paka! Maholimō a pakile, "E ne e le eéna!" Lefatše le pakile, "E ne e le eéna!" Lihele li pakile, "E ne e le eéna!"

<sup>408</sup> Bibele e boletse ha thoe e... Davida, lilemo tse ngata tse

fetileng, ho Lipesalema . . . Ke hantle, Moena, u bale Lipesalema, ka kōpo mono. Lipesalema 16:10: [Moena Neville o a bala, “Hobane u ke ke oa tlohela moea oa ka liheleng; u ke ke oa lumela hobane Mokhethoa oa hao a bone ho bola.”—Mohl.]

<sup>409</sup> Bala eona ntho eo, moena, moo Petrose a rerileng; ho Liketso, khaolo ea 2, temana ea 27: [Moena Stricker o a bala, “Hobane u ke ke oa tlohela moea oa ka liheleng, u ke ke oa lumela hobane Mokhethoa oa hao a bone ho bola.”—Mohl.]

<sup>410</sup> Bala litemana tse peli kaholima eona, moena, le tle le fumane mohlolī—mohlolī oa eona: [Moena Stricker o a bala, “Hobane Davida ha a ‘Molela o itse, Ke beile Morena—Morena kamehla pela mahlo a ka, hobane o letsohong la ka le letona, ke tle ke se ke ka sisinngwa. Pelō ea ka e thabile ke hona, le leleme la ka le nyakaletse; esita le eona nama ea ka e tla phomola ka tšepo. Hobane u ke ke oa tlohela moea oa ka liheleng, u ke ke oa lumela hobane Mokhethoa oa hao a bone ho bola.”—Mohl.]

<sup>411</sup> Bala temana e latélang joale: [Moena Stricker o a bala, “U ntsebisitse litsela tsa bophelo; u tla nkhoris ka thabo e tsoang sefahlehong sa hao.”—Mohl.]

<sup>412</sup> E, lemohang. Joale, motsoalle oa ka oa Paki ea Jehova, ke rata ho u botsa ka eona. Le a bona? Efēla ha lihele e le sebaka . . . Hadesē, Sheole, kapa le batlang ho se bitsa eng; haeba e khaotsa lebitleng, ebe hobaneng A re, “Nke ke ka tlohela moea oa Ka liheleng, Nke ke ka tlohela Mokhethoa oa Hao hore a bone ho bola”? Le reng ka taba eo? Le a bona?

<sup>413</sup> ’Mele oa Hae e ne e le ona, lebitleng; ’me soule ea Hae e le liheleng, e ntse e rera, e phela! Le reng ka taba eo? O ne a boetse ho theofani ea Hae hape. Soule ea Hae e le tlase koana ’moho le batho bao ba le ho theofani le bona. Le ho ba pakela, ho re ba “ha ba ka ba baka mehleng ea mamello.”

<sup>414</sup> O . . . Ka mantsoe a mang, O ile a kokota monyako. ’Me monyako ha o butsoe, ’me lisoule tseo tsohle tse kileng tsa baka, O itse, “Ke ’na Peō ea mosali. Ke ’na Eo Henoke mona . . .” Koana Paradeising, nqalang e ’ngoe. Le se ke la lahleheloa ke linqalo tse tharō tseo le ka mohla, joale: nqalo ea bakhopo, nqalo ea balōkileng, le lihele botsona. Le a bona?

<sup>415</sup> Ho a tšoana le ka botrintase ba Leholumō, joaloka: Ntate, Mora, le Moea o Halalelang. Ho a tšoana le ka botrintase ba sebata: moporofeta oa bohata, sebata, le e—le letšoao la sebata. Le lintho tseo tsohle, le hopole, ntho eohle ke botrintase. Botrintase bo etsa ntho e le ’ngoe, phethahalo. Ho phethahatsoa bonngoe. Le uena u a phethahatsoa, motho a le mong ka borarō: soule, ’mele, le seperete; metsi, mali, le methapo. Le a bona, sohle seo u kileng oa ba sona, u tlameha ho nka lintho tse tharō ho bopa bonngoe bo phethahetseng. Ho tšoara sekotoana sa galase se khutlo-tharō u ntoo se khantsetsa letsatsi, u fumana mookoli

o phethahetseng. Le a bona, ntho e 'ngoe le e 'ngoe, u tlameha ho fumana borarō ho etsa bonngoe bo phethahetseng.

<sup>416</sup> 'Me joale, le hopole taba eo, mohla A neng a eshoa, O tlohile pele 'me a bolella lisoule tse neng li se teronkong... tse neng li le teronkong, le ho paka hore E ne e le "Peō ea mosali." E ne e le "Ea bonoeng ke Henoke a tla le bahalaleli ba Hae ba likete tse leshome." A tlameha ho pakela Mangolo a boletsoeng ke Nohe, le Henoke, le balōlikeng, ho thoe "E ne e le Eéna." Sohle se ne se tlamehe ho E ela hloko!

<sup>417</sup> Eaba O theohela liheleng, 'me a amohela linotlolo tsa lefu le lihele ho liabolosi.

<sup>418</sup> Ho khutla ho nyoloha ho kena Paradeising; le ho tla le Abrahama, Isaaka, le Jakobo, le balōkileng; le ho tsoha (Mattheu 27), 'me ba tsoile lebitleng ho kena motseng, le ho ipontša batho seterateng. Alleluia! Ke moo!

<sup>419</sup> Joale, empa 'mele oa Hae... Enereha soule ea Hae ka mona e ntse e pakela ba timetseng, tlase mona ho nka linotlolo ho liabolosi, le ho khutla le ho tla le Abrahama le Isaaka; soule ea Hae e ne e robetse kahara e... Soule ea Hae e ne e le tlase mane e etsa hoo, 'me 'mele oa Hae o robetse lebitleng. Lebaka leo Jesu a itseng... Batho ba re, "Be, hobaneng Jesu a re, 'Matsatsi a mararō, Ke tla o tsosa. Ke tla tsoha ka matsatsi a mararō?" O—O shoele Labohlano thapama, a tsoha Sontaha hoseng."

<sup>420</sup> Empa le shebe, e ne e le "kahara matsatsi a mararō," ha u ka fumana tlotlontsue. Hobane A tsebile Davida, tlasa tlolo (e leng tlolo ea Moea o Halalelang), o boletse, "Nke ke ka tlohela Mokhethoa oa Ka hore A bone ho bola." O tsebile taba eo e lekantse Eéna. O tsebile e buile ka Eéna. E ne e le Mokhethoa oa Molimo, 'me O tsebile ho bola ho kena lihoren tse mashome a supileng le metso e 'meli. Kae-kae lipakeng tsa matsatsi a mararō ao, O ne a tsoa mono hape, ka ha Mangolo a ke ke a robjoa.

<sup>421</sup> 'Me pallo e 'ngoe le e 'ngoe ka Mono e etselitsoe 'na 'me e etselitsoe uena, ke ea rōna!

<sup>422</sup> O itse, "Qhaqhang 'mele ona, 'me Ke tla o tsosa ka matsatsi a mararō." Hoba O itse, "Nke ke ka tlohela soule ea Ka liheleng, nke Ke ka tlohela Mokhethoa oa Ka hore A bone ho bola."

<sup>423</sup> O tsebile, hore 'mele oo o tsoa mono matsatsing a mararō. Ha A lula mono matsatsi a mararō a tletseng. Che, monghali, ruri ha A etsa joalo. O lutse ho tloha Labohlano thapama hofihlela Sontaha hoseng, ha ho sele le e 'ngoe ea 'mele oo e neng e ka bola.

<sup>424</sup> 'Me O ile a shoa, a nokiloe, le ho robatsoa... kapa ho phutheloa ka lesela, le ho robala lebitleng. Naheng e chesang eo, e ngobetseng, ho nka lihora tse 'maloa feela 'me O se a bola. U a seny... ho senyeha, le a tseba, 'mele oa hae, nko ea hae le lintho li oela kahare, ho bola ho a kena; na ha e chesang eo, e mongobo. 'Me o ka be o ile oa bola, hobane e ne e le 'mele. Empa O tsebile, le

pele sele eo e bola, Molimo o boletse ka moporofeta Davida, “Nke ke ka tlohela Mokhethoa oa Ka hore A bone ho bola.”

<sup>425</sup> Kamoo A ileng a nka Lentsoe la Molimo ’me a phela ka Lona! Joale, tsepiso e ’ngoe le e ’ngoe ea tseo e Mo amang, Molimo o phethisitse e ’ngoe le e ’ngoe ea tsona. ’Me tsepiso e ’ngoe le e ’ngoe e amang molumeli, Molimo o tla phethisa tsepiso e ’ngoe le e ’ngoe ea Lona. Amen. Lula u tiile feela hore Ke ’Nete. Amen. Ka hona, soule ea Hae . . .

**Na u nahana hore e . . . Che, ke masoabi. Seperate sa Jesu se ne se le kae matsatsing a mararō mohla ’mele oa Hae o leng lebitleng?**

<sup>426</sup> Seperate sa Hae se ne se le liheleng, tlase linqalo tse tebileng; ’me O ile a tsoha. ’Me nka eketsa lethoana—lethoana le ka le thusang haholo mona. Mohla A ne a tsoha, oa Hae . . . Mohla A neng a tsoha bafung, ruri O ne a eso phethele mosebetsi oa topollo. Ke hantle. O ne a tšoanetse ho hleka ntho eohle. Moputso o ne o lefiloe, empa botšabeho boo ba lihele, botšabeho boo ba lebitla . . . ’Me mona, eitseha A—eitseha A eshoa, O ile a tsoelapele. Ha A khaotsa mosebetsi mohla A neng a eshoa, A tsoelapele ho rera! . . . ? . . . Le ntšoarele boitšoaro ba ka bo sa tsepamang, ke a kholoa, empa ha A ka a khaotsa!

<sup>427</sup> U ke ke oa khaotsa le ka mohla! ’Mele oa hao o ka phomola nakoana, empa Molimo o tla o tsosa, O tsepisitse A tla etsa hoo. Empa u ke ke oa timela joalokaha Molimo o ke ke oa timela. Ke hantle. Sheba, oa Hae . . . kamora ho shoa ha Hae, ho eng . . . ho shoa nqa barutuo. O ne a robetse, seo A neng a le sona. Ba ile ba Mo robatsa; joalokaha A buile ka Lazaro, “Ke tla ea mo tsosa.” Molimo o ne o tlameha ho Mo tsosa.

<sup>428</sup> Shebang, O ile a theoha hantle joalo, A tsoelapele ho rera. ’Me A rerela meeä e teronkong mona. Ho tsoelapele ho ea liheleng hantle, ho nka linotlolo ho diabolosi. Ho nyoloha le ho khutla hantle le ho rera hape Paradeising, le ho tsoha hape ka letsatsi laborarō. Ho etela baapostola ba Hae hape matsatsi a mashome a mane, ’me qetellong ea letsatsi la mashome a mane, A nyoloha hantle; hobane, sohle kaholim’ a rōna, litumelo-khoela tsohle le sohle se sele . . . O hahotse tumelo-khoela e ’ngoe le e ’ngoe, pelaelo e ’ngoe le e ’ngoe, le ho thea mola oa thapelo ho tloha lefatšeng ho ea Khanyeng nyolohelong ea Hae. Ho nyoloha le ho lula letsohong le letona la Boholo ba Oona. Mofenyi! Mohloli e Moholo, kannete. Lefu le sitiloe ho Mo tšoara! Lihele li sitiloe ho Mo tšoara! Lefatše le sitiloe ho Mo tšoara!

<sup>429</sup> Mehengl ea Hae lefatšeng mona, O fuoe e . . . O etetse motse o tlase ka ho fetisa le bathong ba tlase ka ho fetisa, le ho fuoa lebitso le tlase ka ho fetisa. Ke seo motho a Mo entseng sona. O ile Jeriko, motseng o tlase ka ho fetisa. Monna e monyenyané ka ho fetisa a tlameha ho hloa sefate ho Mo nyarela fatše. Motho o ile a ’Meha mono. A fetoha mohlatsoa-maoto, mosebetsi o nyelisoang

ka ho fetisa ho abjoa. A fetoha ea tlase ka ho fetisa. A reoa lebitso le tlase ka ho fetisa le ka bitsoang, *Belsebule*, “khosana ea batemona.” Motho o mo file lebitso le tlase ka ho fetisa, tulo e tlase ka ho fetisa, le ho Mo romela linqalong tse tlase ka ho fetisa tsa lihele tse tlase ka ho fetisa.

<sup>430</sup> Molimo oa Mo tsosa oa Mo isa Maholimōng a Holimō ka ho fetisa, le Lebitso le holim'a lebitso le leng le le leng. Alleluia! Khele, O tlameha ho nyarela fatše, ho sheba Lehelimō. Terone ea Hao e phahamiselitsoe holim'a maholimō a Lehelimō. 'Me Lebitso le leholo ka ho fetisa le kileng la bitsoa Lehelimōng le lefatšeng e ka khona e be . . . le tlameletsoe ho Eéna. Ke seo Molimo o Mo entseng sona. Motho o Mo beile tlase ka ho fetisa, athe Molimo o Mo beile Bophahamong bo fetisang. E ne e le Eo, ho tloha tlase ka ho fetisa ho ea, Holimolimō.

<sup>431</sup> A fetoha ea tlase ka ho fetisa hore A tle a re nyollele Bophahamong bo fetisang. A fetoha rōna, hore rōna ka mohau oa Hae re fetohe Eéna, bara ba Molimo. Ke hona moo A ileng teng. Amen! Ho bokoe Lebitso la Oona. O betlile tsela hore re khone ho tla, le rōna, ka letsatsi le leng, “Kahobane Ke phela, le lōna le phela ke hona.”

<sup>432</sup> Oh, ha ho makatse . . . Motho ha a tšoara pono eo, ha ho motho ea kileng a khona ho e hhalosa. Ba bile ba lekile ho e hhalosa, ba lahlehelo ke kelello ea bona; sefela se seholo sena: “Oh lerato la Molimo, le enne ha se le ho hloeka; Le tebile le matla hakae.” Temana ea ho qetela . . . kapa ke a kholoa temana ea pele, ke eona: “Hola re ka tlatsa leoatile enke, Le hola maholimo a entsoe letlalo; . . .” Le tseba moo e thotsoeng? E ne e ngotsoe mahlanyeng . . . lerakong la bobolokelo ba mahlanya. Ha ho motho ea ka hhalosang Lerato leo la Molimo le ka mohla. Oh, ha se taba e ka phethoang le ka mohla, seo A re etselitseng sona. Khele, u ka bea mosebetsi o le mong joang kantle mono? Ke mohau oa Oona, ho tloha qalang ho isa qetellong. Ke na be ke lahlehile, ke timetse, ke se na thuso, ke sa lōka, ho se letho la eona, 'me Oa fihla ka mohau oa Oona oa re pholosa. Oh, banna. Ke oa Oona . . . Eo ke Morena oa ka. Leo ke Lerato la Oona, oo ke molemo oa Oona.

<sup>433</sup> Joale re saletsoe ke metsotsø e batla e supile le lipotso li batla li le leshome le metso e mehlano 'me . . .

## 62. Na u hopola e le bottle ho basali ho itšebeletsa kantle ho kereke?

<sup>434</sup> E. Eo ke potso feela, feela e . . . hase potso ea mangolo, empa . . . Ehlide bo, ke etsa joalo. E, monghali, bohole re basebetsi-'moho. Basali ba fuoe malulo a bona, 'me ehlide ba joalo. E, monghali. Etsa mosebetsi ohle oa hao oo u ka u khonang, 'me Molimo o tla o hlohonolofaletsa eona.

Ke hantle. Joale ha re boneng:

**63. Hhalosa bontrintase hle. Mora a ka lula joang letsohong le letona la Ntate, a ntse a buella . . . ho Ntate, haeba e se batho ba babeli?**

<sup>435</sup> Be, motsoalle oa ka ea ratoang, ntho eo ke . . . ntho eo ke—ntho eo ke tšenolo. Eféla ha Jesu a itse, “Na le Ntate re Bang,” ba ka ba babeli joang? Le a bona? Joale, ha ba babeli.

<sup>436</sup> Mosali o tlie ho ‘na hang, ‘me ke ntse ke hhalosa taba eo, ho re, “Uena le mohatsa’o le—le bang.”

<sup>437</sup> Ka re, “Empa, Molimo le Mora ba fapane le taba eo, u a bona.” Ka re, “Na u a mpona?”

“E.”

“Na u bona mohats’ a ka?”

“Che.”

<sup>438</sup> Ka re, “Ha ho le joalo, Ntate le Mora ba fapane; Jesu o itse, ‘Ha u bona ’Na, u bone Ntate.’” Le a bona?

<sup>439</sup> Ntate le Mora . . . Ntate e ne e le Jehova Eamatlaohle (Molimo) ea ahileng tabernakeleng e bitsoang Jesu Kreste, eona e le Mora oa Molimo ea tlotsitsoeng. Jesu e ne e le Monna, Molimo ke Moea. ‘Me ha ho ea kileng a bona Molimo le ka mohla ofe, empa ea tsoetsoen a inotši *ke* Ntate o Mo tsebisitse. E ne e le . . . O . . . Botho ba Hae, boleng ba Hae, Bomolimo ba Hae, sohle seo A neng a le sona, E ne e le Molimo! E ne e se letho katlasana kapa letho kaholingoana ho Molimo. Koana, E ne e le Monna. E ne e le Monna, ntlu eo Molimo o ahileng ho eona. Ke hantle, E ne e le nqalo ea bolulo ba Molimo.

<sup>440</sup> Joale, haeba le batla Mangolo a ‘maloa ka taba eo . . . Moena Neville, ha u ka mphumanela Santa Mareka 14:62. ‘Me Khaitseli Wood, u mphumanele Baefese 1:20. Motho o teng hape ea tšoereng Bibebe? Be, phahamisa letsoho la hao. Khaitseli Arnold, u e tšoere morao mono? Ke hantle, mphumanele Liketso 7:55. Ke hantle. Mareka 14:62, Moena Neville; ‘me la Khaitseli Wood ke Baefese 1:20; Liketso 7:55, Khaitseli Arnold.

<sup>441</sup> Ke hantle, na u le tšoere, Moena Neville? Ke hantle, bala joale: [Moena Neville o a bala, “Jesu a re, Ke teng: ‘me le tla bona Mora motho a lutse letsohong le letona la matla, a etla ka maru a leholimō.”—Mohl.]

<sup>442</sup> Ke hantle, joale, shebang poleloana ea pele mono. Jesu o itse, “KE TENG.”

<sup>443</sup> “KE TENG.” KE TENG e ne e le mang? Ha ho motho ea kileng a E toloka lefatšeng le ka mohla. Esita le . . . lōna ba balang litlotlontsoe le lintho tse joalo, ha ho motho ea kileng a rarolla . . . Ke J-v-h-u. ‘Me esita le baithuti ba Baheberu ha ba khona ho Le qapolisa. Sehlahla se tukang mono, mohla A kōpanang le Moshe tsatsing leo, E ne e le J-v-h-u. Eaba ba Le

qapolisa “J-o-h, Jehova,” empa ha Se “Jehova.” J-v-h-u, le a bona, ha ho motho ea tsebang.

<sup>444</sup> ‘Me le re, “Be, Moshe o sitiloe ho Le rarolla.”

<sup>445</sup> O itse, “Nka re ke mang?”

<sup>446</sup> A re, “E re, ‘KE TENG’ o u romile. KE TENG.”

<sup>447</sup> Joale shebang. KE TENG ke lekhathe-le-joale, e seng “Ke ne ke le teng” kapa “Ke tla ba teng,” KE TENG. Joale, O itse, “E tla ba sehopotso melokong eohle: KE TENG.”

<sup>448</sup> Joale shebang Jesu ea emeng mona moketeng letsatsing leo. Ba itse, “Re a tseba u hlakane boko hlooho.” Mantsoe a népileng, “U a hlanya” (*hlanya* ke “hlakana boko”). “Re a tseba u hlakane boko. U Mosamaria, u na le letemona.” (Santa Johanne, khaolo ea 6) ‘Me O itse, “Joale, u ipolela u . . . bone Abrahama, athe u monna ea sa feteng lilemo tse mashome a mahlano?” (A shebeha a holile ho feta lilemo tsa Hae, athe O ne a le mashome a mararō feela, empa mosebetsi oa Hae.) Ho re, “U monna ea seng kaholimō ho lilemo tse mashome a mahlano, athe u ipolela u ‘bone Abrahama?’ Re a tseba u hlakane boko joale.” Le a bona?

A re, “Le pele ho Abrahama, KE TENG.”

<sup>449</sup> “KE TENG,” E ne le KE TENG e moholo. Mona O ntse a bolella Bajuda bana hape, le a bona, “KE TENG! ‘Me etlareha le Mpona ke fihla letsohong le letona la matla, . . .” Na ho joalo?

<sup>450</sup> Le bale hape, moena: [Moena Neville o a bala, “‘Me le tla bona Mora motho a lutse letsohong le letona la matla, a etla ka maru a leholimō.’”—Mohl.]

<sup>451</sup> Bala la hao joale, Khaitseli Wood: [Khaiteli Wood o re, Baefese 1:20?—Mohl.] E, mofu’mali. [Khaitseli Wood o a bala, “Ao o sebelitseng ka ona ho Kreste, ha o mo tsosa bafung, oa ba oa mo lulisa letsohong le letona la ona maholimōng.”—Mohl.]

<sup>452</sup> Ke hantle, bala la hao, khaitseli. Le a bona, Le itšoanela feela: [Khaitseli Arnold o a bala, “Empa eéna, a tlala Moea o Halalelang, a lelala holimō, a bona Khanya ea Molimo, le Jesu a eme letsohong le letona la Molimo.”—Mohl.]

<sup>453</sup> Joale, le a bona, Je- . . . Molimo o ke ke oa ba le letsoho le leholo le letona, le a bona, ‘me le Jesu a eme *ka* letsohong la Oona le letona. *Letsoho le letona* le bolela “boholo.” Le a bona? Ho tea mohlala, holane—holane ke fuoe bolaoli bo tletseng ba kereke, kapa ke le bishopo oa mofuta, ‘me Moena Neville a nkile malulo a ka, e ka ba letsoho le letona la ka. Le a bona, hoo ho bolela hobane o a . . . o tla be a lutse letsohong le letona la ka.

<sup>454</sup> Joale, Jesu ke letsoho le letona la Matla. Joale, O boletse joalo, mona ho Baefese, ho latela tlhaloso ea hae, O lutse letsohong le letona la Matla. “Matla ohle Lehelimōng le lefatšeng” (O boletse, kamorao ho tsoho ea Hae) “a beiloe matsohong a Ka. Ke tšoere matla ohle Maholimōng le lefatšeng.

E-eang ke hona le rute lichaba tsohle, le ba kolobeletse ka Lebitso la Ntate, le Mora, Moea o Halalelang, le ba rute ho boloka tsohle tseo Ke le laetseng tsona; bonang, Ke na le lōna kamehla, ho isa bofelong ba lefatše.”

<sup>455</sup> “Matla ohle Maholimōng le lefatšeng.” Ebe ke hokae moo . . . Eféla ha molimo o le teng holimō mane kathoko ho Oona, ha o na matla. Le a bona, ho ke ke ha ba le Molimo o mong. “Matla ohle Maholimōng le lefatšeng” a beiloe letsohong la Hae. Ka hona, le a bona, “O eme letsohong le letona,” (ho latela potso ea motho), hoo ha ho bolele . . .

<sup>456</sup> Joale shebang! ’Mele . . . Molimo ke Moea. Yaa, ba utloisisang seo ba bakae? e reng “Amen.” Molimo ke Moea, Jesu ke Motho, ’me Jesu e ne e le Molimo o entsoeng nama. Jesu e ne e le . . . Re ka sitoa ho bona Molimo le ka mohla, le a bona, Ke Moea. U ke ke oa bona moea. “Ha ho ea kileng a bona Molimo le ka mohla.” Ha ho mang o ne a ka sitoa ho bona Molimo.

<sup>457</sup> ’Me nka bua sena, “Ha le eso mpone le ka mohla.” Ha le eso mpone bophelong bohole ba lōna, ’me ha le sa tla mpona le ka mohla. Ke hantle. Le ntse le bona ’mele ona o takang motho enoa, ea leng kahare ka mona. Joale, ’mele ona ha o na Bophelo Bosafeleng, empa seperete se na le Bophelo Bosafeleng. ’Mele ona o tla khutla, feela o tla khutla ka setšoano sa ona, joaloka tlhaku ea koro ha e kena mobung. Bokreste bo tšetlehiloe holim’ a tsoho, e seng phapanyetso. Tsoho; eéna Jesu ea theohileng, ke eéna Jesu ea khutlang. Ha u theoha u le hloooho khubelu, u tla khutla u le hloooho khubelu; ha u theoha u le hloooho ntšo, u nyoloha u le hloooho ntšo. Le a bona, ke tsoho.

<sup>458</sup> Ha u tloha u ea ja . . . Ke botsitse ngaka taba eo, nakoana e fetileng, ka re, “Horeng ha ke ne ke le lilemo tse leshome le metso e tšeletseng . . . Nako tsohle ha ke eja, ke nchafatsa bophelo ba ka?”

<sup>459</sup> Ho re, “Ke eona.”

<sup>460</sup> U aha lisele tse ncha—ncha nako tsohle ha u etsa . . . e—e nama e bopa . . . kapa lijo li bopa lisele tsa mali, ’me lisele tsa mali li a u matlafatsa. U phela joalo. Ka hona, ntho e tlameha ho shoa ka linako tsohle, hore u phele. Letsatsi ka leng, ho shoa ntho: ha u ja nama, khomo e shoele; sohle seo u se jang; hlapi e shoele; kapa e—kapa koro e shoele, ho etsa bohobe; tapole e shoele, e entseng tapole; le e . . . tšobotsi eohle ea bophelo; u ka phela feela ka ntho e shoeleng.

<sup>461</sup> ’Me u ka phela ka Bosafeleng feela hobane ntho e shoele: Jesu. Ha se hobane u ingolisitse le kereke, ha se hobane u kolobelitsoe, ha se hobane u ipoletse Bokreste; ke hobane u amohetse Bophelo ba Jesu Kreste ea fophileng mali . . . Mali a tšoletsoeng uena, le ho Mo amohela joaloka Mopholosi oa hao.

<sup>462</sup> Joale, lemoha, ke a botsa. Ke batla ho u botsa taba ena. Sheba taba ena, e ntle. Nka tšoha ke e rutile pele (ha ke tsebe) mona; ho

rera kahohle, u lebala seo u se buileng ka lekhetlo . . . litulong tse itseng. Empa, hobaneng ho le joalo, ka hona . . .

<sup>463</sup> Joale, ke a kholoa, Khaitseli Smith . . . Ha tsebe haeba ke tsebile Moena Fleeman morao hakaalo kapa che. 'Me Tryphena, ke mo hopola esale ngoanananyana feela. Na u sa nkhopola, mohlang oo ke le . . . mothoana, e mokhutšoane, ea litho; ea moriri o motšo, o litšohlo. Ke le ralitebele. Oh, ka ipona ke le monna ea khemang le setaele lefatšeng. "Oh," ka nahana, "ha ho motho ea ka nchapang. Che, monghali." Empa mono ke—ke ne ke thetsitsoe, le a bona. Empa ke . . . Joale, ka nahana feela, "Oh, banna." Ka nahana, "Ha u ka ntjarisa ntho ena mokokotlong, nka e thota ka theosa seterata ka eona." Ehlide, ho se letho le ntlhophang. 'Me ka linako tsohle ha ke eja, ka hola ka matlafala ka linako tsohle. Nako tsohle ha ke kenya bophelo bo bocha . . . Ka ja k'habeshe, litapole, le linaoa, le nama, joalokaha ke etsa kajeno. 'Me ka 'na ka matlafala ke hola ka linako tsohle. Eareha ke batla ke atamela mashome a mabeli le metso e mehlano . . .

<sup>464</sup> Hona joale ke ja hantle ho feta mohlang oo, bohole le a ntseba, ho tseba seo. Joale nka ja hantle ho feta, kaofela ha rōna re joalo. Empa lebaka ke lefe, Moena Eagen, ka hona, haeba ke tsoella ho ja lijo tse molemo, tse ngata, livithamini tse fetisang le ntho eohle . . . Feelha ke eja ho feta, ke a foforehha ke a fela. 'Me joale ke monna oa mahetla a khutlahanang, ke phumuha lefatla, le ho pulufala, matsoho a sosobana, sefahleho se a phathahana, mahetla a nyehla, ho thata ho tsoha hoseng, 'me . . . Oh, banna. Lebaka ke lefe? Eféla ha ke nchafatsa bophelo ba ka nako tsohle ha ke eja, ebe lebaka ke lefe?

<sup>465</sup> Ha ke tšela metsi ka mohope galaseng, e tlala ho fihla bohareng, 'me a qala a fokotseha ka linako tsohle ho e-na le ho kokomoha; 'me ha ke eketsa ho tšela, a fokotseha ka sekhhahla se fetang. Ke eona. 'Me u ka sitoa ho e kholisa ka mahlale a saense le holane u tšoanetse. Buka ena ke eona feela e ka kholisang e re Molimo o laotse moeli; ke moeli, Molimo o re bone re etla.

<sup>466</sup> Lōna banna ba holileng, le lōna basali ba holileng, ekaba banna ba lōna—lōna le mafumahali a mang a se a iketse. Hoo ha ho—hoo ha ho sitise letho. Alleluia. Ba koana mose ho lesira feela, ba shebeletse; ruri. 'Me ba labalabetsa ho kōpana le lōna hape. Ke hantle, ruri, ba etsa joalo. Ba lakatsa ho kōpana le lōna hape. Bibele e ba tlalehile joalo, lisoule tse tlasa aletare tse hooang, "Morena, ho tla ea hakae?" Le a bona? Ha ba maemong a bona a lōketseng.

<sup>467</sup> Molimo ha o eso re etse Mangeloi, o re entsoe banna le basali. Re tla itulela re le banna le basali kamehla, hobane re e—e sehlahisoa sa bohlale ba Molimo ka sebele. Re ka itulela feela re le banna le basali kamehla.

<sup>468</sup> Empa seo se etsoa ke'ng? Le a bona, u ka hopola mohla u theohelang aletareng, uena le monna oa hao, ha thoe re nkana

ho ba mosali ea chatileng ka molao oa lenyalo le halalelang lena, le ka e—e mehauhelo ea Molimo le joalo-joalo, le ka maipolelo ohle a lōna ao le a ntšitseng, le selekane seo le se hlabileng. Ntho ea pele le a tseba, ha qala ha hlaka, bobeli ba lōna. O ne a itse tšetla, moriri o phatsima; le mahloana a mama, a masothoana, kapa mahloana a boputsoana ba leholimō, kapa e ka bang eng. Oh, u hlile u mo sheba. U ile oa tsoa, ho sheba ntate, “Joale, lahlela mahetla ao morao”; ‘me ha isa-isa a qala a nyehla. Moriri oa mama oa pulufala, athritis ea kena le lintho tse joalo. Ebile hamorao, tšali e tloha e ikela, kapa tona ea tloha e ikela.

<sup>469</sup> E ne e le eng? Mohla Molimo o u boneng u eme mono, O itse, “Ke eona, ke u batla u le joalo.” Ke hantle, lefu, tloo, empa u ke ke ua nka bophelo ba bona pele ke u lumella.

<sup>470</sup> Oh, oh, ke hopola Jobo. E, Molimo o ne o nyaretse fatše, Jobo o tsebile hoba Molimo o mo ratile. (‘Me lemoha hobane a ke ke a u tlosa.) O itse, “O matsohong a hao, empa u ke ke ua nka bophelo ba hae.”

<sup>471</sup> ‘Me ntho ea pele le a tseba, mahetla a qala a khutlahana, ‘me hamorao o a ikela. Ho ne ho etsahetse’ng?

<sup>472</sup> Joale, tsohong ha ho letho le tlang ho tšoantšisa lefu. Ho ke ke ha hlaha letho le tšoantšang lefatše, ka seo . . . Le a bona, u tlide ka thato ea Molimo, oa ba le bophelo. Eaba lefu le a kena, le a u theola. Ho ja lijo li le ling le sohle, ho noa metsi a le mang, sohle; empa lefu le kene. Empa setšoantšo se se se behiloe. Alleluia. Tsohong u tla boela u eba bophelo hape. ‘Me lefu ha le sa tla ba teng, leha e le setšoano sa lefu, leha e le botsofali, leha e le boqhoala leha e le letho. Re tla ema ka setšoano sa Hae, re sa busoe ke ho shoa, ho phethahatsoa kamehla. Alleluia. Oh, ke . . . Hoo ho ka hlabisa mang le mang litlatse, haholo ha u tšoara lilemo tsa ka.

<sup>473</sup> Lilemo tsa ka, ke a kholoa, ha motho, a ka e nahana, ho feta pele. U fihlile moo u fetohelang nqa eane, le a bona. Eona . . . U qala u ipotsa, “Hona hohle ho bolela’ng? Ke entse’ng?” Ke a hetla morao mona, ke a nahana, “Khèle, mohau; be, ebe o ile kae, Morena? Ke ‘na enoa, lilemo tsa ka li mashome a mane a metso e robeli. Lilemo tse peli hape, ke tla be ke tšoere halofo ea lekholo. Shuu. Ke mpa feela . . .”

<sup>474</sup> Shebang lisoule tse ‘maloa tseo ke li hapileng. Ke sa batla ho hapa limilione le limilione hape. Molimo, nthuse. Ke a itšoabelo le ho khutlela lapeng phomolong. Ho nahana, “Oh, kotulo e sehlefetse, feela basebetsi ha ba bakae. Limilione li shoela sebeng le masoabing letsatsi ka leng, utloang sello sa bona.” Ha ke ea robala liphateng bosiu ke utloa bahetene ba banyenyane bao ba futsanehileng ba hooeletsa koana thoteng. Kamoo ba ileng ba tla ka likete, ba nkhula, le—le ho ema kantle mono boemaofane moo ba tlamehang ho emisa sesole ho ba chechisa, feela ho utloa pale ea Jesu Kreste.

<sup>475</sup> Athe mona re a qeka, re phatlalatsa ka lipampiri le ka sohle, le ho ba baballa ka litulo tse khabane ho fetisa ho lula teng, boithabiso bo khabane ho fetisa le ka 'mino o monate, ba tla fihla 'me "Ooooh, be, ke kholoa e ne e itōketse, leha koana e se ea tumelo ea hesō."

<sup>476</sup> Oh, banna, ebe ho tla ea hakae—hakae—hakae le hona? Ha se . . . ha se hantle. Athe mona re tumuletsa lijo tse jang makholo a libilione tsa didolara moqomong, feela batho bao ba ka li amohela ka thabo. Le bona ke lihloliloeng tsa lefatše joaloka rōna. Khele, rōna . . . Be, eke ke ea tsoella joalo halelele.

<sup>477</sup> Ke hantle, joale, Ntate ke Mang? Ntate le Mora ke ntho e le 'Ngoe. Shebang, ho Johanne oa Pele 5:7, E itse, "Ho le ba bararō ba pakang Leholimōng, Ntate, Lentsoe (e leng Mora) . . . Ntate, Mora, le Moea o Halalelang: borarō bona ke ntho e le 'Ngoe."

<sup>478</sup> "Ho le ba bararō ba pakang lefatšeng, e leng metsi, mali, le Moea." Ke lielemente tse tharō tse tsoileng 'meleng oa Kreste. Ba Mo hlabile lehlakore: ho tsoile metsi, ho tsoile Mali, "Ke nehela Moea oa Ka matsohong a Hao." Ke eona, ke lielemente tse tharō tseo. Tse tharō tsena ha se ntho e le 'ngoe, empa li *lumellana* nthong e le 'ngoe.

<sup>479</sup> Ntate, Mora, le Moea o Halalelang; Johanne oa Pele 5:7, e re, "Tse tharō tsena *ke* ntho e le 'Ngoe."

<sup>480</sup> "Metsi, mali, le Moea li *lumellana* nthong e le 'ngoe." Ha se ntho e le 'Ngoe, empa li *lumellana* nthong e le 'ngoe. Ka baka leo Ntate . . . 'Me ntho e le 'ngoe e neng e ka etsoa ke 'mele, mohla Molimo o Iponang, hore ka kahlolo eo 'mele ona o e utloileng, ke eo ntlha ea makōpanelo . . . ea khahlanyetso ke eo hantle mono, le a bona. Ke mohla A bonang Mali a eme lipakeng tsa Oona le kahlolo. Lentsoe la Oona ke lena, ho itsoe, "Mohla le se jang, le tla shoa mohlang oo." 'Me mona Jesu o itse, "Ke . . . Empa Ke ba emetse sebaka. Le a bona, Ke ba emetse sebaka."

<sup>481</sup> Le sa hopola pale ea bosiu bo bong ha ke bona pono ea mosali e mobe haholo ka phaposing ka mono? Ke ntse ke mo ahlola, ho re, "Molimo, hore'ng u sa qhomise tulo eo?" Eaba O bontša 'na, le a bona. Eaba ke mo atamela ke 'molella se hlahileng.

Joale, potso ea ka ea ho qetela ke ena.

#### **64. Ha u nahana, ho ea ka mangolo, na Bajuda ba tla ba . . . tla amohela Kreste pele ho Hloibilo ea Kereke?**

<sup>482</sup> Ke—ke—ke lumela Hloibilo ea Kereke ke tiile . . . Mohopolo oa ka ke ona, le a bona. 'Me hola nako e re lumella, re ka e fetisa, empa ke—ke kamorao ho robong joale. Shebang, ke hlide ke lumela Bajuda ba tla amohela Kreste ho Khutleng ha Hae labobeli. Joale le hopole, motho a tle a tsebe sena, re ne re foufatsoe mahlo, kapa, ba ne ba foufatsoe mahlo hore re tle re fuoe pono ea rōna. Mang le mang o a tseba, Mangolo a e bolela. Ho joalo na? Pauluse o re bolella hobane tsa rōna . . . re ne re

foufatsoe . . . hore Bajuda ba foufalitsoe hore re amohele Kreste. Le a bona? 'Me rōna re mohloaare o hlaha o hlomiloeng sefateng ka hlomamiso.

<sup>483</sup> Joale mohopolo oa ka ke ona, ke tla le hlahisetsa feela . . . Ba ntse ba mpotsa, "Ana u nahana . . . ?" Joale ke e hopola e tla hlaha ka tsela ena. Ha ke tsebe. E ka bang eng, ke khotsoe hore ka mohau oa Molimo le ka lereko la Oona, re tla ba teng mono; le a bona, ka mohau oa Oona, e ka bang eng. Nka tšoha ke sa khone ho e akanya, empa seo ke se nahananang ke sena. Ke a lumela re nakong ea bofelo. Ke a lumela mongoaha oa Balichaba joale o a fela. Ke a lumela re atametse ho koala.

<sup>484</sup> 'Me joale Bajuda; lintho tse peli tsena esale li etsisa Bajuda liphoso: Ba ne ba foufetse, ba sitiloe ho e bona; kahobane Balichaba, tabeng e 'ngoe, hangata . . .

<sup>485</sup> Ke qoqile le Mojuda mane Benton Harbor, Khaitseli Smith, 'me na u tseba seo a mpoleletseng sona? Nqa e 'ngoe mono ha Iseraele bao . . . libaka tsa Iseraele mono. Potso e maloka le pholiso ea monna oa sefouf. 'Me o itse, "U ke ke ua khekhethela Mojuda ka . . . U ke ke oa khethetha Molimo hararō oa Mo neha Mojuda; ho Mo etsa Ntate, Mora, le Moea o Halalelang." Ho re, "U ke ke ua sebetsa Mojuda joalo, rōna ha re basebeletsi ba melimo ea bohata." Ho re, "Re lumela *ho* Molimo o le mong." Le a bona?

<sup>486</sup> 'Me ha u tloha u bopa Molimo borarō: Molimo Ntate, Molimo Mora, le Molimo Moea o Halalelang; mono u hlile u foufatsa Mojuda, kaha a tseba hantle ho feta. O tseba hantle ho feta moo. Ketso eo e u fetola mosebeletsi oa molimo oa bohata ruri joalokaha tšebeletso ea melimo ea bohata e le teng, u kakatletse melimo e merarō. U tšoanelo ho ba etsa Molimo o le mong, ha se melimo e merarō, ke liofisi tse tharō tsa Molimo o le mong. Le a bona, Molimo o sebelitse ho boNtate, O sebelitse ho boMora, 'me O sebetsa joale lekhatheng la Moea o Halalelang. Ke Molimo o le mong ka seqo.

<sup>487</sup> Ke lona lebaka ha re laetsoe ho kolobetsa ka Lebitso la Ntate, Mora, Moea o Halalelang; hobane, ha se ka lebitso la e . . . Ke *Lebitso*, e seng mabitso; e seng ka mabitso, kapa ka lebitso la Ntate, ka lebitso la Mora, ka lebitso la Moea o Halalelang; empa "ka Lebitso la Ntate, Mora, le Moea o Halalelang." Le a bona, ho lemoha Molimo oo o le ka ho Kreste. Le a bona, ke seo A leng sona, ho ke ke ha eba ka tsela ese. Le a bona? 'Me Lengolo . . .

<sup>488</sup> 'Me—'me efela ha tšenolo ea rōna e fosahetse, e tla ba Petrose le baapostola ba bang ba rutile phoso; hoba motho e mong le e mong ka Bibeleng o kolobelitsoe ka Lebitso la Morena Jesu Kreste. Ha ho mang ea kolobelitsoeng ka "Ntate, Mora, Moea o Halalelang," ke thuto ea Katolike. Nka le pakela eona ka mantsoe a bona ka sebele, le ka littlotlontsoe tsa bona le ntho

eohele. Ke sehlomathiso sa Katolike 'me ha se e—'me ha se thuto ea Bibebe. 'Me ha ho mang . . .

<sup>489</sup> Esita le Khosi ea Engelane o kolobelitsoe ka Lebitso la Jesu Kreste. Mohla lilemo li batlang li etsa makholo a tšeletseng kamorao ho lefu la moapostola oa ho qetela, mohlang oo e sa bitsoe Engelane, e bitsoa "Lefatše la Lengeloi." Le tsoa moo, lebitso. O kolobelitsoe ka Lebitso la Jesu Kreste.

<sup>490</sup> Se mo sokolotseng, ke serobele se senyenyane. Mohla . . . Ha nka hopola . . . ha se Santa Angelo. Lebitso la hae e ne e le mang, joale? Agadabus [Sepeleta ha se a hlaka—Mohl.], Santa Agadabus, ke a kholoa. Ha ke a kholoa ka lebitso leo, joale. Empa, leha ho le joalo, o ile a nyolohela mono, 'me ba fumane tse ling tsa tsena . . .

<sup>491</sup> Ba ba bitsitse mangeloi hobane, lebala la batho ba Baasiria le bao le fifetse, 'me Manyesemane a ne a le moriri o molelele, o mosoeu, o mangetse, hlooho li tšehtla, Anglo-Saxons, le a tseba, mahlo a boputsoa ba leholimō. 'Me ba itse, "Ekare Mangeloi," 'me eaba ba e rea "Lefatše la Lengeloi."

<sup>492</sup> Eaba e—e mohlanka oa Morena o nyolohela teng a rerela khosi, ba lutse ifo, le leholo le bulehileng. Ke balile pale eo nakoana e fetileng. Eaba nonyana e fofela leseling ea ntoo boela e tsoa, 'me khosi a botsa potso, "E tsoa kae le hona e ile kae?" Le a bona? "E tlide leseling, re e bone, ea ntoo khutlela e tsoa e kena lefifing. Ana le mokhoa oa motsamao oa motho ha o joalo?" a rialo.

<sup>493</sup> "Empa pele e kena mona e ne e le eng?" moreri a rialo, le a bona. Taba eo ea tšoasa khosi; 'me hoseng ho latelang, eéna le ba ntlu ea hae ba kolobetsoa ka Lebitso la Jesu Kreste. Ke hantle.

<sup>494</sup> Eaba ke'ng? Motho oa pele ea kileng afafatsoa kapa a kolobetsoa ka mokhoa ofe ka lebitso la "Ntate, Mora, Moea o Halalelang," e ne e le kerekeng ea Katolike. Ho fafatsa ha pele, ho entsoe kerekeng ea Katolike. Ho horometsa ha pele le ka mohla, ho entsoe kerekeng ea Katolike. Kereke ea protestanta esale e kolobetsa . . . ka Bibeleng, baapostola, ka ho quelisoa ka Lebitso la Jesu Kreste. Hohle. Ipatlele hohle moo e sebelitsoeng kahosele, le a bona.

<sup>495</sup> Joale, nthong ena, nakong e khōlō ena, Bajuda ha ba khone. . . . Ke ile ka botsa rabbi, ka re, "Rabbi, na u ka thatafalloa ho lumela baporofeta?"

<sup>496</sup> A re, "Ke lumela baporofeta."

<sup>497</sup> Ka re, "Ho Esaia 9:6, ebe o ne a bolela'ng, 'Re tsoaletsoe Mora?' Ebe o ne a bua ka mang?"

<sup>498</sup> A re, "O ne a bua ka Messia."

<sup>499</sup> Ka re, "Ha ho le joalo na ebe Messia o tla tsoaloa?"

<sup>500</sup> "E, O tla tsoaloa."

<sup>501</sup> Ka re, “Eféla haeba A tla tsoaloa, O na le . . . O tla ba le ’mé.”

<sup>502</sup> “E, eka khona A be le ’mé. ’Me eka khona a be le ntate, hape,” a rialo.

<sup>503</sup> Ka re, “Ruri. Na u ka thatafalloa ho lumela hore seo e ke ke ea eba . . . hore Molimo Jehova e Moholo O phetlileng Leoatle le Lefubelu, a ke ke a tsoala Lesea lena ka tsoalo ea thuso ea motho?” Le a bona? E ne e le eo.

<sup>504</sup> O itse, “Empa le ke ke la Mo fetola melimo e merarō.”

<sup>505</sup> Ka re, “Ha se melimo e merarō.” Ka re, “Kamano ea Messia nqa Molimo e tla be e le efe?”

<sup>506</sup> A re, “E tla ba Molimo.”

<sup>507</sup> Ka re, “Joale u e tšoere. Joale u e tšoere, Ke Molimo.” Ke eona hantle.

<sup>508</sup> A ntoo leka ho mpolella, ho re, “Be, monna enoa e ne e le lesholu, Jesu enoa oa Nazaretha. E ne e le lesholu.”

<sup>509</sup> Ka re, “Rabbi, E ne e le lesholu joang?”

<sup>510</sup> “Be,” a re, “mangolo a lōna a boletse ‘A kene tšimong ea koro ka letsatsi la Sabatha, a kha koro.’”

<sup>511</sup> Ka re, “Joale, Rabbi, u tseba hantle ho feta . . . Lengolo ho feta moo. Lengolo la lōna le re ke molao, ‘Motho o lumelloa ke molao ho kena le ho ja ka ho rata ha hae, feela o thibeloa ho tšela pataneng ea hae a tlohe le eona.’ Molao oa lōna, rabbi.”

<sup>512</sup> Eaba o ema mono nakoana, a—a—a e lumela, hoba o ne a—a iponetse eona. A re, kamorao ho nakoana, a re, “Be, ho etsahaetse joang—joang hore mahlo a John . . . ” Ho re, “U e khonne joang?”

<sup>513</sup> Ka re, “Ka Lebitso la Jesu Kreste.”

<sup>514</sup> “Uh.” O—o ne a sa tsebe; ho re, “Be, u ke ke ua khekhetra Molimo likoto tse tharō.”

<sup>515</sup> Ka re, “E ne e le Jehovah ea bonahetseng ka nama, Rabbi. O . . . Ke seo A neng a le sona, E ne e le Jehovah nameng. Lebitso la Hae la motho ka Sebele, e ne e le Lebitso la topollo, hoba ho se lebitso le leng le filoeng motho ho bolokoa ke lona tlasa Leholimō, haese ke Lebitso leo la motho la topollo: Morena Jesu Kreste. Ke hantle. E ne e le Molimo, Ke Molimo, E tla be esale e le Molimo, ke hantle haholo, Morena Jesu Kreste.”

<sup>516</sup> Joale, ke lumela kapele kereke ea Balichaba e tla . . . ho phetheloa ha ’mele oa kereke ea Balichaba. Menyako e lipakeng . . . Jesu o boletse, ho Mattheu 24, (Ke tla tšoara Lengolo le leng leo motsotsso), O itse, “Ba tla hatakela marako a Jerusalema ho be ho phethehe lekhathe la Balichaba.”

<sup>517</sup> Joale shebang. Taba e lhahisitsoeng ke Morena oa rōna Jesu, ho Mattheu 24, ho itsoe Bajuda ba tla tlosoa temeng. Daniele o boletse, morao koana ho baporofeta ba boholoholo, o itse ‘ho tla baloa liveke tse mashome a supileng, nqa Bajuda. ’Me

Messia o tla fihla (Khosana) a be a porofete mahareng a liveke ea mashome a supileng, tsona e le lilemo tse supileng, o tla khaoloa bohareng. Le shebe na e ne e phethahetse joang, Jesu o reriloe hantle lilemo tse tharō le halofo e le 'ngoe a ntoo thakhisoa. Empa ho na le tse tharō . . . Taba eo e kena hantle potsong e 'ngoe ena mona. Ba sa ntse ba baletsoe lilemo tse tharō le halofo, ho Bajuda. E tlamehile joalo.

<sup>518</sup> Joale ha le nka Tšenolo, khaolo ea 7, Johanne o bone Bajuda bohole ba tšoailoeng ba likete tse lekholo le mashome a mane a metso e mene, e leng ba meloko e leshome le metso e 'meli ea Israele. Na le bona seo ke se bolelang? Koana ke ntho e sa ntseng e tla etsahala, ntho e tlang.

<sup>519</sup> Joale le shebe kamoo e leng ntle kateng, pele re koala joale. Le shebe kamoo—kamoo e potolohang. Joale, Bajuda bao esale ba fifalitsoe.

<sup>520</sup> Joale, Bajuda bana mona, ba bangata ba bona mona, ba mpa feela . . . le tseba boitšaro ba bona, ba kakatletse leruo la lefatše. 'Me ba mpa feela—feel a ke batho le chelete, 'me ke phetho seo u ka se qetang ka eona, le a bona; ba hlide ba lonya, ba monyemo, 'me ha ba mamele. Empa, O ne a sa bue ka bao, haeba le ka lemoha.

<sup>521</sup> Joale, Balichaba . . . Joale le shebe, hobane Bajuda bana ba sa saletsoe ke lilemo tse tharō le halofo. Joale, Jesu o itse motse oa Jerusalema o tla hatikeloa ke Balichaba ho tle ho be ho be lekhathet la Balichaba . . . (Joale, ho lōna batho ba sa lumeleng makhathe, le reng ka taba eo?) . . . Ho tle ho be ho phethet lekhathet la Balichaba. 'Me etlare ha lekhathet la Balichaba le phethetile (nako ea Balichaba e phethetile), motse o tla busoletsoa Bajuda hape. Ebile Jesu o tsoelapele a re moloko . . . Ha thoe, "Ettere ha le tsao le bona sefate sa feiga se hlaha menoko ea sona, le lifate tse ling tsohle ha li hlaha menoko," ho itsoe, "le tseba ke hona hobane lehlabula le haufi." Ha thoe, "Ka mokhoa o joalo ettere ha le bona lintho tsena li hlaha, tsebang ke hona hobane nako e haufi, e monyako; 'me kannete Ke re ho lōna moloko ona o ke ke oa feta lintho tsena li eso ho phethet."

<sup>522</sup> Joale, ba kile ba e shebella molokong oo, "Ke seo A neng a bua ka sona." Lekhale bo!

<sup>523</sup> Mamelang! O itse, "Moloko o boneng sefate sa feiga se hlaha menoko ea sona." Joale shebang, O itse, "Sefate sa feiga, le lifate tse ling tsohle." Joale, ka mantsoe a mang, "Ho tla fihla tsoseletso e haolang ka lefatše lohle mehleng eo." Joale shebang seporofeto sena, kamoo se sebeletsang kahare se bile se nyallana ka bophethetili feela. Joale sheba. "Lifate tse ling tsohle li hlaha menoko ea tsona, tsoseletso." Sefate, ha se hlaha menoko ea sona, ke tsoseletso. Na ho joalo? Joale, mang le mang o a tseba, moruti ea porofetang, hore sefate sa feiga esale e le Mojuda. Re tseba seo. Ke Mojuda. Joale e . . .

<sup>524</sup> 'Me le shebe Joele, mohla a se thotileng, o itse, "Se siiloeng ke marutle, seongoane se se jele; se siilong ke seongoane, tsie e se jele; le se jeloeng ke tsie . . ." Ha u ka elelloa, ke kokoanyana e le 'ngoe, mehato e fapaneng: marutle, seongoane, tsie. Ke kokoana e le 'ngoe eohle, ke mehato e fapaneng feela ea bophelo ba eona. Joale sheba, ke eona kokoana e qalileng ej a sefate seo sa Bojuda motšeо koo, ho se rema, le ho qala ho ja le ho ja le ho ja le ho ja ho se fihlisa kutung; feela o itse, "'Ke tla buseltsa,' ho bolela Morena, 'lilemo tsohle tse jeloeng ke lerutle. 'Me Ke tla etsa sechaba sa Ka thabo.'" Le a bona? Joale, sefate se qetiloe se jeloe. Balichaba ba hlomiloe ho sona, ke 'neta. Ke hantle, re tšoanelo ho beha tholoana.

<sup>525</sup> Joale mohla ho fihlileng nako ea bofelo, mohla re theohelang qetellong (haeba ke e bona hantle), Evangelie ke: tsoseletso e khōlō e tlamehile e be e futha.

<sup>526</sup> Joale, ana le tsebile folaga ea Bojuda ke folaga ea khaleng ka ho fetisa lefatšeng? 'Me esale e rapaletse lilemo tse likete tse peli, ho feta moo, lilemo tse batileng li etsa likete tse peli le makholo a mahlano. Folaga ea Bojuda, naleli eo ea Davida e ntlha li tšeletseng, ha eso fokaele ka lilemo tse likete tse peli le makholo a mahlano; ho qala ka kholeho ea—ea Babilona. 'Me joale, kahobane Empaya ea Roma e ba hapile (le Messia a tlide 'me ba E hanne), ebile ea qhalanyetsoa nqa meeа e mene ea lefatše. Empa na le tsebile, ka Motšehanong oa la 6, 1946, folaga eo e ile ea boela holim'a Jerusalema hape? Ana le tsebile, ka Motšehanong oa la supa, 1946, Lengeloi la Morena le ipontšitse 'na (letsatsing le hlahlamang) holimō mona, ho nthomela ka lefatše lohle ho futha tsoseletso? Hona hoseng ho hlahlamang! Mohla folaga eo e neng e phahamisoa holim'a Jerusalema, mohla letsatsi le ne le likela thapama eo, Lengeloi la Morena le ipontšitse mona Linaha tse Kōpaneng nakong eona eo. "Ettere ha le bona sefate sa feiga le lifate tse ling ha li hlahisa!"

<sup>527</sup> Ba bakae ba hopolang Naleli e neng e leketlile tlase mona Nokeng ea Ohio, lilemong tse ngata tse fetileng, mohlang oo O itse . . . Setšoантšo sa Eona ke sena le joale, mohla A neng a theoha. Ha thoe, "Molaetsa oa hao o tla tsoa e le pulamaliboho ea ho Khutla khetlo labobel, joaloka Johanne ha a tsoile e le pulamaliboho ea ho Khutla khetlo la ho qala." 'Me, le shebe, tsoseletso e haotse e potile lefatše. Mashome a likete atisa ka likete le likete, le tsoseletso e khōlō.

<sup>528</sup> Bohle ba tsitlalleng molao, le bohle ba fapaneng naha ka bophara, 'me likereke tse khōlō li itse, "Matsatsi a Billy Sunday a fetile." Empa eitse ha ba bona kereke e qala e tsoseletsoa (batho ba tlaase), ba tlameha ho ikoahela sefahleho. Charles Fuller a ka be a tlatsitse malulo ao, empa o ne a tsofetse haholo; ebile ba nkana le Billy Graham. 'Me Molimo o ile oa nka Billy Graham, kapa, kereke ea Baptise e entse hoo, eaba bohle ba mo teela hare. Atha Billy Graham ha se le mokhekhetho oa moreri ea ka

bapisoang le Moena Neville, joaloka moreri, ha se . . . che, le ho leka. Empa ke eng? Ba ile ba tlameha ho e phethisa, ke mokha, 'me e mong le e mong o e teela hare hantle, ho e bokanela. Billy o bua eona khang eo. Le a bona, ba ile ba tlameha ho e phethisa. 'Me e ne e tlamehe ho etsoa ho phethisa Lentsoe la Molimo. Ba ne ba se na Moea oo ba ka o bokanelang, 'me ba tlameha ho nka Lentsoe leo ba ka le bokanelang; ebile ba etsa seo. 'Me Billy ke moreri oa Lentsoe, ke khabane hle, 'me ba e teetse hare; taba eo e hlahlala bohole ba hoammeng le ba tsitsipaneng 'mokeng oa bona. Athe Boleng bo holim'a tlholeho, bo tšoereng pholiso ea Khalalelo, le matla le mesebetsi le lintho tse joalo, ka meeka ea Molimo, e beha sena . . . Kereke, Monyaluoa ea hloibiliang ea tšetseng Oli lamping ea Hae, hoo ho Mo kenya tšoseletsong. Le a bona? 'Me kereke e hoammeng e tsitsipaneng e futhile tsoseletso ea eona. 'Me le Iseraele ke ena e futha ka tsoseletso ea bona.

<sup>529</sup> Ke tšoere filimi hona joale holimō mane lapeng ha ka, *Metsots E Merarō Pele Ho Khitla Ea Bosiu*. 'Me re tšoere setšoantšo sa Bajuda bao ba kenang. Ba kenang; le se bone ho makasine oa *Look*. Le likepe, tse laetseng, li tsoa koana Irane le tlase mono; Bajuda ba sa tsebang Jesu a kile a hata holim'a lefatše le ka mohla, ba ile ba theohela mono kholehong ea Babilona. Ke phetho seo ba se tsebileng le ka mohla. Ba ne ba lema . . . le e bone makasining oa *Look* kapa oa *Life* le eona eo, ba ne ba lema ka lithepa tsa khaleng tsa lehong la patsi. 'Me eareha ba bona lifofane tseo li kena, ba nahana, "Ke eona," hobane Molimo o ba boleletse "ba tla lula tlase mono, 'me ba tla busetsoa Jerusalema ka mapheo a ntsu." Ke hantle. Ke bao. 'Me Mojuda o itse, "Ke eona." Ba hata ba hloella hantle, 'me re tšoere lintšoantšo tsa bona le lentsoe la bona, ba ile ba hlongoa lipotso; ho tsoa ka makhalo a lefatše. Ba bang ba pepile metsofe ea bona mokokotlong oa bona, ba foufetse ba qhoalile. Eaba ba theoha likepeng ba tsoa litulong tse fapaneng tsa lefatše, ba kena.

<sup>530</sup> Eaba ba qala ba thonaka majoe ba a tšelamekotlaneng ea bona, a tsoang mobung; 'me kajeno ba sibolotse liliba tsa metsi, ke bona ba fetisang, naha e khōlōhali ka ho fetisa ea temo lefatšeng. Leoatle le Shoeleng le tšoere maruo a fetang a lefatše lohole ha le teantsoe 'moho. Bajuda ba ntse ba khutla; haesale e patetsoe Balichaba, empa ba ntse ba fupuha joaloka rosa.

<sup>531</sup> Ba itse ho bao—bao Bajuda, ba itse, "Ana le khutla ho shoela lehaeng la lōna."

<sup>532</sup> Ho re, "Re khutla ho bona Messia. O kae? O tlameha a be a le teng mona."

<sup>533</sup> Moena, ha u bona sefate sa feiga se hlahisa menoko ea sona, O itse, "Moloko ona o ke ke oa feta ho eso phethehe tsohle." Shebang tsoseletso ea bao ba tsitsipameng. Shebang tsoseletso ea Kereke. Shebang tsoseletso e latelang ka Bajuda, ba shebeletse ho Khutla ha Messia. Kereke, Kereke e tletseng

Moea, Monyaluo a . . . baroetsana ba tsetseng oli lilamping tsa bona ba tla kena Selallong sa Lenyalo.

<sup>534</sup> Bajuda ba tla re, "Sena ke sane. Ke oo Molimo oa rōna esale re o emetse." Ke hona moo likete tse lekholo le mashome a mane a metso e mene . . . MaRusselaete a e lubile. Ke bao Bajuda ba emeng mono ba tlang ho Mo amohela. Ba itse, "Ke oo Molimo oa rōna esale re o emetse." Ba tla Mo bona, ho re, "Linthro tseo U li thotse hokae? Mehoabali eo e letsohong la Hao U e thotse kae?"

<sup>535</sup> O itse, "Ke a thotse ka tlung ea metsoalle ea Ka." Ke hantle, "Ka tlung ea metsoalle ea Ka."

<sup>536</sup> O tla etsa'ng? Kereke ea Molichaba e tla nkeloa Khanyeng 'me Monyaluo a tla nyaloa ke Kreste.

<sup>537</sup> Josefa o itsebisitse batho ba habo joang? O ile a hlekia Molichaba e mong le e mong pontšeng ho eéna. Ruri o entse hoo. Ho tla etsahalang ka masalla a peō ea mosali? Drakone e ile ea phusalatsa metsi molomong oa eona ho loana; Jesu o itse, "ba tla lahleloa lefifing le kantle, 'me ho tla ba le lillo le liboko le litsikitlano tsa meno," lihora tse khōlō tsa hloriso le liteko li tla oela kereke ea Molichaba.

<sup>538</sup> Ho tla etsahala'ng mohlang oo? Mohla batho ba bolaeloang tumelo, mohla Molimo o seng o arotse ntho eohle ho Bajuda koana, Jesu o tla khutla joalokaha Josefa a entse. Eitseha ba utloa Josefa, mohla a hlekileng balebeli bohole ba hae le ntho eohle ese, 'me a bone Benjamine e monyenyan le bao ba emeng mono, 'me ba itlhonametse ka ho bolaea Josefa. Ba hopotse ba bolaile Josefa, athe ke enoa oeme ka pel'a bona. O itse, "Ke 'na Josefa. Ke ngoanabo lōna."

<sup>539</sup> Joale ba hlide ba thothomela, "Ke Josefa. Joale re a mo tseba."

<sup>540</sup> Ke mohlang A tla re, "Ke 'na Jesu. Ke 'na Messia."

<sup>541</sup> Ba tla ba re, "Oh, banna, joale re tlil'o phetetsoa!"

<sup>542</sup> Sohle se ne se etselitsoe khanya ea Molimo. Ho ke ke ha etsahala hore O . . . Be, ba utloile a lla hole koana paleising ea Faro, Josefa o ile a ba llela.

<sup>543</sup> Emang hofihlala Jesu a bona Bajuda bao A kileng a tlameha ho ba foufatsa ho lumella rōna Balichaba monyetla oa ho kena, e tla ba hora eo, ke a le bolella. O tla nka Bajuda bao, le se ke la tšoenyeha le ka mohla, Bajuda bao ba tla bolokeha. E, monghali, e tlameha ho hlaha. Ke mohopolo oa ka ka eona, ha ke khone ho bona nqa e 'ngoe Lengolong. Û tlameha ho qhaneha botharō bao 'moho, hape.

<sup>544</sup> U tlameha ho baballa e—e moroetsana ea robetseng, e—e kereke ea tloaelo feela, ea maipolelo, le a bona. U tlameha ho bea kereke . . . Eona, ke Mojuda pele, Mojuda pele, e leng motho ea foufalitsoeng feela a eme kathoko. U tlameha ho nyolla khato e latelang, e leng moroetsana ea robetseng, a le bohlasoa, ea

tsoileng feela a kena kereke, a ngolisa kerekeng, e le motho ea lōkileng haholo. U ntano tlameha ho nka Kereke, ea moea, Hloibilo, Monyaluo, ke eo o eme. Batho ba bararō bao, u ke ke . . . ha ba lubakana, le hanyenyane. Ha se ntho e le 'ngoe bohle. Ha se Paki ea Jehova ha e re, "likete tse lekholo le mashome a mane a metso e mene tseo ke Monyaluo"; e fosahetse. Bao ke Bajuda, le a bona. Monyaluo ke eo, Bajuda, le moroetsana ea robetseng. 'Me u ba teanya bohle 'moho, le ho re, "Be, bohle ba bararō ba libakeng tse fapaneng." Bao bohle, ke lihlopha tse tharō tsa batho ba fapaneng. Ehlide, ba ke ke ba khona joalo.

<sup>545</sup> Etlare ha Jesu ha a khutlela lefatšeng . . . Bajuda, bona ke eng? Maqhalaha a tempele. 'Me etlare ha Jesu a khutla, O tla hammoho *le* Monyaluo. Jesu o tla hararō: O tla pele ho *lopolla* Kereke ea Hae, O tla khetlo labobeli ho *amohela* Kereke ea Hae, O khutla khetlo laborarō 'moho *le* Kereke ea Hae. Le a bona? Ka tšoanelo. Ha ho le joalo ke ho khutla hohle ho le hong ho hoholo ho phethahetseng, ntho eohle ke Molimo o moholo o phethahetseng; ntho eohle ke Kreste a le mong e moholo ea phethahetseng; Kereke e le 'ngoe e khōlō e phethahetseng, topollo e le 'ngoe e khōlō e phethahetseng, . . . ntho e 'ngoe le e 'ngoe; e hlaha ka botrintase, empa ke ntho eohle ke Bonngoe. Le a bona? Ha se batho ba bararō, ha se borarō ba *sena*; ke Motho a le mong feela, Kereke e le 'ngoe, 'Mele o le mong, Kreste a le mong, Morena a le mong "ka ho lōna bohle, ka lōna bohle," le joalo ka mokhoa oo. Ntho eohle e 'ngoe!

<sup>546</sup> Morena a le hlohonolofatse. Ke hlile ke le tšoareletse halelele.

<sup>547</sup> Morena ha a ratile, joale, ha nka khutla masiung a 'maloa, kapa Sontaha bosiu kapa ntho e kang eo, ha molisa mona a sa tšoara letho pelōng ea hae, ke tla leka ho araba tsena mona. Oh, tse ling mona li khabane. Ba bakae mona ba ratang ho li utloa? Oh, ke mpa ke li rata feela. Ha nke ke li phetle hape, ka potlako ruri, pele re fetisetsa tšebeletso ho molisa.

<sup>548</sup> Mamelang sena feela. [Moena Branham o araba lipotso tsena tse latelang tse robeli ho Karolo ea III, ho qala ka seratsoana 668, e le lipotso tsa nomoro 67 ho isa ho 74—Mohl.]

**Ke hokae moo majoe a bap- . . . ? Ebe majoe ao a Tšenolo, 21 a bapisang?** E ntle haholo.

**Hlalosa libata tse 'ne tsa Tšenolo 5.** E 'ngoe e ntle ke eo.

**Baholo ba mashome a mabeli le metso e mene ke bomang?** E 'ngoe e ntle, le a bona.

**Khole e sekarelata ea Genese 38 e ne e bolela'ng?** Ana le sa hopola, o ile a tloha a kenela ngoetsi ea hae a phela le eona sa seotsoa; a hloma moputso 'me a hlaha; eitse ha ngoana a hlaha, ba tlamella khole e sekarelata letsohong la hae (a monyoha a boela a honyela), ea—ea latelang a mo eta pele. Oh, e ntle bo; ehlide.

**Lineo tse tla romeloa mabapi le lefu la lipaki tse peli ke life, ho Tšenolo 11?** Ke mohla Moshe le Elia ba khutlelang ho likete tse lekholo le mashome a mane a metso e mene ka tsoseletso. **Lineo ke life?** Shebang na ke ling, e khabane.

**Ebe bahalaleli ba tla aha hokae kamorao ho lilemo tse sekete se le seng . . . (eo e ntle, moshanyana. Na . . .) . . . puso? Ba tla arapa 'mele oa mofuta ofe?**

**Ebe re tla ahloa mangeloi joang?**

**Hobaneng moriri o fetoha ka baka la mangeloi ho Bakorinthe ba Pele? Bukeng ea Bakorinthe ba Pele.** Tse ling tse khabane, tse ntle haholo.

<sup>549</sup> Morena a le hlohonolofatse. Ke tšepile Morena a tla re lumella ho phutheha le ho rerisana ka lintho tsena, sohle se etselitsoe khanya ea Hae. Re ka tšoha re sa lumellane ka mehopolo ea eona; empa ke tla bua ntho e le 'ngoe, haeba le thabela ho li utloa hakaalo ka ha ke thabela ho bua ka tsona, re kene monyakeng o moholo. Amen. Amen.

<sup>550</sup> Ke hantle, Morena a le hlohonolofatse haholo joale. Se lebaleng litšebeletso. Khaso ea Moena Neville, joale, e hlaha ho WLRP, Moqebelong hoseng ka hora ea robong; k'hothete ea ba Neville, 'me ke tiile ba tla le thabiso, bulelang le ba mamele. 'Me ha nka khona, ka khutla ka nako, ho bona haeba nka khutla, ke tla letsetsa mofumahali oa ka; ha Morena a ka ntumella ho bona moratuoa oa khale Moena Bosworth. Ke . . . Löna bohle . . . 'me ke tla boea Sontaha bosiu.

<sup>551</sup> Löna bohle Morena a le lōkele joale. 'Me moena, molisa, a tle koano motsotsa feela; 'me a nke tšebeletso. 'Me:

Se lebale thapelo ea lelapa,  
Jesu o batla ho kōpana le uena;  
U tla u baballela mokhathala ohle,  
Oh, se lebale thapelo ea lelapa.

<sup>552</sup> Le a se rata na? Ba rapelang malapeng a löna le bakae? A re boneng, bohle ba . . . bohle . . . Ke botle, le lule haufi le Molimo. Le be bana ba lōkileng, ba banyenyane, Molimo o tla le hlohonolofatsa.

Ke hantle, Moena Neville.



*LIPOTSO LE LIKARABO BAHEBERU KAROLO II* SST57-1002

(Questions And Answers On Hebrews Part II)

LETOTO LA BOITŠOARO, TSAMAI SO LE THUTO EA KEREKE

Molaetsa wona, ka Moena William Marrion Branham, o reriloe sethatong ka Senyesemane, Laborarō mantsiboea, Mphalane 2, 1957, Branham Tabernacle, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)